

人境廬詩草

人境廬詩草卷七

嘉應黃遵憲公度

夜登近海樓

會非吾土一登樓四野風酣萬里秋
爛爛斗星長北指滔滔海水竟西流
昂頭尙照秦時月放眼猶疑禹畫州
回首宣南蘇祿墓記聞諸國賦共球

續懷人詩

創獲奇香四百年散花從此徧諸天
支那奇字來何處絮問薦菸說藥煙日本伊藤博文君能通古今事多
南北美洲始有淡巴菘今四百年耳而華入乃有薰字
菸字何故余言薰本香菸爲敗葉皆假借字君意釋
然然唐譯毗耶那雜律云在王城嬰病吸藥煙瘳損
佛言以兩腕相合置孔引長管吸之其式如今阿刺伯
人飲煙筒但未知
所用何藥物耳

帕首鞞刀走北門竟從逋盜作忠臣一腔熱血興亞會

認取當年蹈海人

魏本武揚

憲憲英英偉丈夫不將韜略學孫吳恨無舞袖回旋地

戲倒天吳拆海圖

大山巖

不關魏晉興亡事自署羲皇上古人白竹兜籠黃木屐

科頭可用護寒巾

淺田惟常君本德川氏遺臣後遂不仕維新後既衣革履君概置不用

獨乘竹兜籠以二人昇之行不着帽余贈以道土巾則大喜會親友仿其式而造之

得詩便付銅絃唱對局何曾玉韞輪繞鬢青青好顏色

絕倫還似舊髯無

重野安繹一善奕一美髯也絕一能詩一東人稱君爲三

長華園裏好亭樓每到花時載酒遊歲歲花開頻入夢

桑乾夢醒夢并州

官本小一君官外部有園曰長華歲歲觴余於此臨別時爲誦賈浪仙

句故云

袖中各有贈行詩向島花紅水碧時只恨書空作唐字

獨無煉石補天詞

大沼厚補南摩綱紀龜谷行巖

野長愿森魯直岡千仞鱣元邦皆詩人也王午
春余往美洲設錢於墨江酒樓各賦詩送行多有和余
留別韻者森槐南魯直之子年僅十六兼工詞曾作
補天石傳奇示余真東京才子也別後時時念之

一龕燈火最相親日日車聲輾麴塵絕勝海風三日夜

擊舟空訪沈南蘋官島誠一郎君住麴町與使館隔

客長崎賴山陽聞其名走訪之阻風三

日夜及至而南蘋已歸以為平生恨事

已破家山賸故侯秦箏趙瑟尙風流可能網載西施去

不解風波不解愁秋月種樹

會觀菩薩處胎卷又訪那須國造碑直引蛇行橫蟹足

而今安用此毛錐巖谷修日下部東作皆工書法日

乃如畫蛇

無端碌碌隨官去仍是鏗鏗說教師黃面瞿夷金指爪

可會嫁畢女先醫麥嘉錦本美國教師張副使邀作

聞紐約考試得一等官醫文憑日本歸時已二

十五歲夷言夷服言他日當為覓嫁黃種人云

幾年辛苦賦同袍膽大於身氣自豪得失雞蟲何日了

笑中長備插靴刀傳烈祕余同官金山領事初行限制

一日過海關有工人羣集一人出一手摸靴中銃指余輩云如

敢引華入

境當以此相贈君手摸靴中銃復笑謂之

敢否繞朝贈策送君歸魏絳和戎衆共疑罵我倭奴兼漢賊

函關難閉一丸泥朝鮮金宏集光緒六年曾上書譯

從又請遣專使主其外交廷議又以朝鮮政事向係

自主尼之及金宏集使日本聯美為國彼國君臣集衆密議而歸

勸其親中國結日本聯美為國彼國君臣集衆密議而歸

者譁噪或上書誣金為秦檜並彈射及我謂習聖教而

變夷言蓋受倭奴之指使而為祿教說法云

褒衣博帶進賢冠禮樂東方萬國看尺二璽書旗太極

是王外戚是王官閱泳岫奉使美國時在金山見之

年閔即王

妃之弟云東方南海妃呼豨身是流離手採薇深夜驪龍都睡熟

記君痛哭賦無衣琉球馬兼才初使日本泊舟神戶
入舟卽伏地痛哭知爲琉球人一紙則國王密勅內言今
復搖手處有倭人聞之既出一紙則國王密勅內言今
日阻貢行且廢藩終必亡也
國令其求救於使臣者也

波臣流轉哭塗窮猶自低徊說故宮中有丹書有金印

蠻花仙蝶粉牆紅向德宏向馬皆世族德宏僅一微

死不歸或言今猶寓閩中云王官有花名胡蝶紅亦德宏所言

新嘉坡雜詩十二首

天到珠崖盡波濤勢欲奔地猶中國海人喚九邊門南

北天難限東西帝並尊萬山排戟險嗟爾故雄藩

本爲南道主翻拜小諸侯巧奪盟牛耳橫行看馬頭黑

甜奴善睡黃教佛能柔遂刻芒芒跡難分禹畫州

華離不成國黔首尙遺黎家蓄獠奴段官尊鳴姓奚英官

護衛司用華文譯其姓爲奚最貪賦神差來卻要天號改撐犁益地圖王

母諸蠻盡向西

王屋沈沈者羣官劍佩磨開銜尊鳥了檢歷籍婁羅巢
幕紅鷹集街彈白鷺多獨無關吏暴來去莫誰何

裸國原狼種初生賴豕噓吒吒通鳥語裊裊學蟲書吉
貝張官織千蘭當佛廬人奴甘十等只願飽朱儒

紂絕陰天所犁韃善眩人偶題木居士便拜竹王神飛
蠱民頭落迎貓鬼眼瞋一經簪筆問語怪總非真

化外成都會遷流或百年土音曉鳩舌火色雜鳶肩馬
糞猶餘臭牛醫亦值錢奴星翻上座舐鼎半成仙

不着紅蕖韃先誇白足霜平頭拖寶鞞約指眩金鋼一
鉅能千萬單衫但裊襠未須醫帶下藥在女兒箱

絕好留連地留連味細嘗側生饒荔子偕老祝檳榔紅
熟桃花飯黃封椰酒漿都縵都典盡三日口留香

留連
果最

美者諺云典都纓買
留連留連紅衣箱空

舍影搖紅豆牆陰覆綠蕉問山名漆樹計斛蓄胡椒黃
熟尋香木青曾探錫苗豪農衣短後徧野築團焦
會飲黃龍去馱經白馬來國旗颺萬舶海市幻重臺寶
藏諸天集關門四扇開紅鬃定何物驕子復雄才

遠拓東西極論功紀十全如何伸足地不到盡頭天寶
蓋縫花網金函護葉箋當時圖職貢重檢帝堯篇
以蓮菊桃雜供一瓶作歌

南斗在北海西流春非我春秋非秋人言今日是新歲
百花爛漫堆案頭主人三載蠻夷長足徧五洲多異想
且將本領管羣花一瓶海水同供養蓮花衣白菊花黃
天桃側侍添紅粧雙花並頭一在手葉葉相對花相當
濃如梅檀和衆香爍如雲錦紛五色華如寶衣陳七市

美如瓊漿合天食如競笳鼓調箏琶蕃漢龜茲樂一律
如天雨花花滿身合仙佛魔同一室如招海客通商船
黃白黑種同一國一花驚喜初相見四千餘歲甫識面
一花自顧還自猜萬里絕域我能來一花退立如局縮
人太孤高我慙俗一花傲睨如居居了更嫵媚非粗疎
有時背面互猜忌非我族類心必異有時並肩相愛憐
得成眷屬都有緣有時低眉若飲泣偏是同根煎太急
有時仰首翻躊躇欲去非種誰能鋤有時俯水瞋不語
誰滋他族來逼處有時微笑臨春風來者不拒何不容
衆花照影影一樣會無人相無我相傳語天下萬萬花
但是同種均一家古言猗儺花無知聽人位置無差池
我今安排花願否拈花笑索花點首花不能言我饒舌
花神汝莫生分別唐人本自善唐花或者併使蘭花梅

花一齊發鸚鵡輪來往如電過不日便可歸支那此瓶不
乾花不萎不必少見多怪如橐駝地球南北倘倒轉赤
道逼人寒暑變爾時五羊仙城化作海上山亦有四時
之花開滿縣卽今種花術益工移枝接葉爭天功安知
蓮不變桃桃不變爲菊迴黃轉綠誰能窮化工造物先
造質控搏衆質亦多術安知奪胎換骨無金丹不使此
蓮此菊此桃萬億化身合爲一衆生後果本前因汝花
未必原花身動物植物輪迴作生死安知人不變花花
不變爲人六十四質亦么麼我身離合無不可質有時
壞神永存安知我不變花花不變爲我千秋萬歲魂有
知此花此我相追隨待到汝花將我供瓶時還願對花
一讀今我詩

眼前

眼前男女催人老，況是愁中與病中。
相對燈青恍如夢，未須頭白既成翁。
添巢燕子雙雛黑，插帽花枝半面紅。
不信旁人稱歲暮，且忻生意煖融融。

寓章園養疴

海色蒼茫夜氣微，一痕涼月入柴扉。
獨行對影時言笑，排日量腰較瘦肥。
平地風波聽受慣，頻年哀樂事心違。
笠簷蓑袂枕榔杖，何日東坡遂北歸。

番客篇

山雞愛舞鏡，海燕貪棲梁。
衆鳥各自飛，無處無鴛鴦。
今日大富人，新賦新婚行。
插門桃柳枝，葉葉何相當。
垂紅結綵毬，緋緋數尺長。
上書大夫第，照耀門楣光。
中庭壽星相，新統供中央。
隱囊班絲細，坐褥棋局方。
兩旁螺鈿椅，有如兩翼張。
丹楹綴錦聯，掩映螭粉牆。
某某再拜賀。

其語多吉祥中懸剝風板動搖時低昂徧地紅藤簟潑
眼先生涼地隔襯菟白水紋鋪流黃深深竹絲簾內藏
合歡床局脚福壽字點畫皆銀鑲蚊幃掛碧綃犀篦堆
紅箱旁室銅澡盆滿儲七香湯四壁垂流蘇碎鏡隨風
颺華燈千百枝徧繞曲曲廊庭下衆樂入西樂尤鏗鏘
高張梵字譜指揮抑復揚弁口銅洞簫蘆哨吹如簧此
乃故鄉音過耳音難忘蕃樂細腰鼓手拍聲鏜鏜喇叭
與畢栗驟聽似無腔諸樂雜沓作引客來登堂白人挈
婦來手攜花盈筐鼻端撐眼鏡碧眼深汪汪裏頭波斯
胡貪飲如渴羌蚩蚩巫來由肉袒親牽羊餘皆閩粵人
到此均同鄉嘻嘻婦女笑入門道勝常蕃身與漢身均
學時世粧塗身百花露影過壁亦香洗面去丹粉露足
非白霜當胸黃亞姑作作騰光芒沓沓靴履聲偕來每

雙雙紅男並綠女个个明月璫單衫纏白疊尖履拖紅
幫垂垂赤靈符灑灑琲交璫一冠攢百寶論價難爲償
簇新好裝束爭來看新郎頭上珊瑚頂碎片將玉瓊背
後紅絲條交辦成文章新製紺綾絳衣補亦寶裝平頭
鵝頂靴學步工趨蹌今行親迎禮吉日復辰良前導青
羅織後引絳節幢駕車四騶馬一色紫絲韁薄紗宮燈
樣白晝照路傍海笛和雲鐸八鸞鳴瓊瑤帕首立候人
白鷺遙相望到門爆竹聲羣童喜欲狂兩三戴花媼捧
出新嫁娘舉手露約指如棗真金剛一環五百萬兩環
千萬強腰懸同心鏡觀以紫荷囊盤金作緄帶旋繞九
迴腸上下籠統衫強分名衣裳平生不著鞵今段破天
荒明珠編成履千琲當絲纏車輪曳踵行蠻婢相扶將
丹書懸紅紙麒麟與鳳凰一雙龍紋燭華焰光煌煌第

一拜天地第二禮尊嫜後復交互拜于飛燕頰頰其他
學斂衽事事容儀莊拍手齊歡呼相送入洞房此時簫
鼓聲已聞歌鱗鱗點心嚼月餅釘座堆冰糖啖蔗過蔗
尾剖瓜餘瓜囊流連與波羅爭以果爲糧赤足絡繹來
大盤薦臙薌穿花串魚鮓薄紙批牛肪今日良宴會使
我攢眉嘗食物十八品強半和椒薑引手各搏飯有稭
有黃梁蒲桃百瓶酒破碎用斗量呼么復喝六拇戰聲
琅琅頗黎小海甌舉白屢十觴旣醉又飽腹出看戲舞
場影戲紛牽絲幻人巧尋撞藍衫調鮑老玉瞳輝文康
蹋鞠肩背飛迅若驚鳧翔白打唱迴波引杖相擊撞金
吾今弛禁賭錢亦無妨初投陞官圖意取富貴昌意錢
十數人相聚捉迷藏到手十貫索罔利各籌防名爲葉
子戲均爲錢神忙醉呼解醒酒渴取冰齒漿飲酪揀灌

頂烹茶試頭綱吹烟出菸葉消食分檳榔舊藏淡芭菴
其味如詹唐傾壺挑鼻煙來自大西洋一燈阿芙蓉吹
氣何芬芳分光然石油次第輝銀釭入夜有火戲語客
留徜徉行坐紛聚散笑譚呼汝印中一蒜髮叟就我深
淺商指問座上客脚色能具詳上頭衣白人漁海業打
槳大風吹南來布帆幸無恙初操牛頭船傍岸走近港
今有數十輪大海恣來往銀多恐飛去龍園束萬鎰多
年甲必丹早推蠻夷長左邊黑色兒乃翁久開礦寶山
空手回失得不足償忽然見斗錫真乃無盡藏有如窮
秀才得意掛金榜沈沈積青曾未知若干丈百萬一紫
標多少聚錢鉅曷鼻土色人此乃吾鄉黨南方宜草木
所種盡沃壤椰子樹千行丁香花四放荳蔻與胡椒歲
歲收豐穰一畝值十鍾往往過所望擔糞縱餘臭馬牛

用谷量利市得三倍何異承天貺右坐團團面寶具富
者相初來錐也無此地甫草創海旁占一席露處關榛
莽蜃氣噓樓臺漸次鏗疊嶂黃金准土價今竟成閭巷
有如千戶侯列地稱霸王善知服食方百味作供養聞
有小妻三輪流搔背癢長頸獼猴面此物信巨賈自從
縛馬足到處設魚網夥頤典衣庫值十不一當一飲生
訟獄誰敢傾家釀搜索徧筐篋推敲到盆盎自煎嬰粟
膏載土從芒碭雞泊竊更驚顛倒多奇想龍斷兼贗鼎
巧奪等劫掠積錢千百萬適足供送葬君看未座客揮
扇氣抗爽此人巧心計自負如葛亮千里封鮓羹絕域
通枸醬積著與均輸洞悉萬物狀錦繡離雲爵妙能揣
時尙長袖善新舞胡盧棄舊樣千帆復萬箱百貨來交
廣遂與西域賈逐利爭衰旺卽今論家貲問富過中上

凡我化外人從來奉正朔披衣襟在胸剃髮辮垂索是
皆滿洲裝何會變服著初生設湯餅及死備棺槨祀神
燭四照宴賓酒三酌凡百喪祭禮高曾傳矩矱風水講
龍砂卦卜用龜灼相法學麻衣推命本碌碌禮俗概從
同口述僅大略千金中人產咸欲得封爵今年燕晉饑
捐輸頗踴躍溯從華海來大抵出閩路當我鼻祖初無
異五丁鑿傳世五六葉略如華覆萼富貴歸故鄉比騎
揚州鶴豈不念家山無奈鄉人薄一聞番客歸探囊直
啓鑰西鄰方責言東市又相斲親戚恣欺凌鬼神助咀
嚼曾有和蘭客攜歸百囊橐眈眈虎視者伸手不能攫
誣以通番罪公然論首惡國初海禁嚴立意比驅鱷借
端累無辜此事實大錯事隔百餘年聞之尙駭愕誰肯
跨海歸走就烹人鑊言者袂掩面淚點已雨落滿堂雜

悲懽環聽咸唯諾到此氣慘傷笳鼓歇不作橐橐拍板
聲猶如痛呼暑道咸通商來雖有分明約流轉四方人
何曾一字著堂堂天朝語祇以供戲謔譬彼猶太人無
國足安託鼯鼠苦無能橐駝苦無角同族敢異心頗奈
國勢弱雖則有室家一家付飄泊蒼頡鳥獸迹竟似畏
海若一丁亦不識況復操筆削若論佉盧字此方實莊
嶽能通左行文千人僅一鷄此外回回經等諸古渾噩
不如無目人引手善捫摸西人習南音有譜比合樂孩
童亦能識識則誇學博識字亦安用蕃漢兩棄卻愚公
傳子孫癡絕誰能藥近來出洋衆更如水赴壑南洋數
十島到處便插脚他人殖民地日見版圖廓華民三百
萬反爲叢歐雀蛉螟不撫子犬羊且無鞞比聞歐澳美
日將黃種虛向來寄生民注籍今各各周官說保富番

地應設學誰能招
島民回來就城郭
羣攜妻子歸共唱
太平樂

養疴雜詩

病瘡經年醫生勸
以出游遂往嶺榔嶼
麻六甲北蠟等處
假居華人山莊所見
多奇景隨意成吟亦
未錄
草病起追憶之尙得
數十首

萬山山頂樹參天
樹杪遙飛百道泉
誰信源頭最高處
我方跛腳枕書眠

月黑風高樹影沈
鳥噤蟲息夜悵悵
柴門似有誰搖撼
曉起縱橫虎跡深

樹密山重深復深
穿雲渡水偶行吟
欲尋歸路無牛矢
轉向無人迹處尋

高高山月一輪秋
夜半椰陰滿畫樓
分付馴猿攀摘去

渴茶渴酒正枯喉

釣天一醉夢模糊
喔喔鷄鳴病漸蘇
南斗起看翻在北
不知仍是註生無

老妻日據竈觚聽鄰有神符
治病靈佛祖不如天使貴
勸余多誦可蘭經

波光淡白月黃昏
何物漉娑石上蹲
欲廢平生無鬼論
回頭卻是黑崑崙

處禪殘蟲掃除清
繞鬢飛蚊不一鳴
高枕胸中了無事
如何不睡又天明

桃花紅雜柳花飛
水軟波柔碧四圍
五尺短繩孤掉艇
小兒謹曳鰐魚歸

一溪春水漲瀾瀾
閒曳煙簑理釣絲
欲覓石頭無坐處
卻隨野鷺立多時

竹外斜陽半滅明捲簾欹枕看新晴雨塵飄漾香烟裊
中有蛛絲屋角橫

單衣白袷帳烏紗寒暖時時十度差冬亦非冬夏非夏
案頭常供四時花

頽牆殘月竹冥冥閃閃微燈三兩星絳帕白衣偏袒舞
時聞巷犬吠流螢

鐙紅月白可憐宵羯鼓如雷記里遙異種名花新合樂

知誰金屋別藏嬌

中西流娼所生女以父母異種故皆色白髮黑非常美秀富商多納爲姬

妾別營屋居之夜半月高絃索齊鳴而擊鼓唱歌均沿用巫來由舊習往往聲聞數里

千形萬態樹扶疏欲喚無名口又茹重譯補箋新草木
馬留名字蟹行書

一聲長嘯海天空聲浪沈沈入海中又挾餘聲上天去

天邊嚶啞一歸鴻

蕩蕩青天一紙鋪團團紅日半輪孤波搖海綠雲翻墨
誰寫須臾萬變圖

人鏡廬詩草卷七終

民國十九年六月
長孫能立重校印

入境廬詩草卷八

嘉應黃遵憲公度

悲平壤

黑雲草山山突兀俯瞰一城礮齊發火光所到雷碯墮
肉雨騰飛飛血紅翠翎鶴頂城頭墮一將倉皇馬革裹
天跳地踔哭聲悲南城早已懸降旗三十六計莫如走
人馬奔騰相踐蹂驅之驅之速出城尾追翻聞餓鳴聲
大東喜舞小東怨每每倒戈飛暗箭長矛短劍磨鐵鎗
不堪狼藉委道旁一夕狂馳三百里敵軍便渡鴨綠水
一將囚拘一將誅萬五千人作降奴

東溝行

濛濛北來黑烟起將臺傳令敵來矣神龍分行尾銜尾
倭來倭來漸趨前綿綿翼翼一字連倏忽旋轉成渾圓

我軍瞭敵遠飛礮一彈轟雷百人埽一彈星流藥不爆
敵軍四圍來環攻使船如馬旋如風萬彈如錐爭鑿空
地爐煮海海波湧海鳥絕飛伏蛟恐人聲鼓聲噤不動
漫漫昏黑飛劫灰兩軍各挾攻船雷模糊不辨莫敢來
此船桅折彼釜破萬億金錢紛雨墮入水化水火化火
火光激水水能飛紅日西斜無還時兩軍各唱饒歌歸
從此華船匿不出人言船堅不如疾有器無人終委敵
哀旅順

海水一泓烟九點壯哉此地實天險礮臺屹立如虎闕
紅衣大將威望儼下有深池列鉅艦晴天雷轟夜電閃
最高峯頭縱遠覽龍旗百丈迎風颭長城萬里此爲塹
鯨鵬相摩圖一噉昂頭側睨視眈眈伸手欲攫終不敢
謂海可填山易撼萬鬼聚謀無此膽一朝瓦解成劫灰

聞道敵軍蹈背來

哭威海

臺南北若脣齒口東西若首尾劉公島中間峙嗟鐵圍
薄福龍龍偃屈盤之中海與陸不相容敵未來路已窮
敵之來又夾攻敵大來先拊背榮城摧齊師潰南門開
犬不吠金作臺須臾廢萬鈞礮棄則那礮擊船我奈何
船資敵力猶可礮資敵我殺我危乎危北山嘴距南臺
不尺咫十里牆薄如紙李公睡戴公死寇深矣事急矣
磨海軍急上臺雷轟轟化爲灰山號跳海驚猜擊者誰
我實來南復北臺烏有船子子東西口天大雪雷忽發
船蔽裂龍見血鬼夜哭船又覆地日蹙龍局縮壞者撞
傷者鬪破者沈逃者走噫吁噫海陸軍人力合我力分
如蠖屈不得申如鬪雞不能羣毛中蟲自戕身絲不治

絲愈焚火不戢火自焚遁無地謀無人天蓋高天不聞
四援絕莫能救卽能救誰死守礮未毀人之咎船幸存
付誰某十重甲顏何厚海漫漫風浩浩龍之旗望杳杳
大小李愁絕倒巋然存劉公島

偕葉損軒大莊夜談

頻歲華胥睡味酣又扶殘醉到江南更無舊雨誰堪語
欲訪名山奈未諳花尙含苞春過半月剛留影夜初三
丁當簷鐵君休問抽得閒身且絮譚

乙未二月二十七日公祭沈文肅公祠

管絃合沓鐘鼓喧左鑪右鼎騰香煙翩然被髮乘雲下
知公未遂神龍蟠憑闌東望大江去旁通閩海百由延
增城赤嵌蠹孤島下有膏沃千良田柘漿茶薺作銀氣
紅塵四合城郭闐生番攫人食人肉側有餓虎貪垂涎

當時倭奴軼我界公統王師居中權大官媵嬰主和議
公唾謂不值一錢側聞近者議輸幣乃竭水衡傾銅山
南門管鑰東流柱搖搖竟如風旌懸流求兩屬忽改縣
舉族北轅王東遷公言尺寸不許讓興滅繼絕兼保藩
氈裘大長議分島公尙搖手謂不然豈期舐糠遂及米
神州亦竟污腥羶巍峨鉅艦古未有鑿破混沌成方圓
考工作記智述物雲房石棧相鉤連後來漢幟成一隊
椎輪篳路推公先病中呢喃造鐵甲欲聚衆鐵城三邊
東溝一戰礮雷震轟轟洞擊七札穿人船兵甲各糜化
蟲沙萬數魚鼈千威海劉島據堅要漆城孰上池難填
螻息蜷伏不敢出如引鐵鎖封喉咽天驕橫肆地險失
坐令蚍蟻咸無援曹蜍李志奄奄氣仰求敵國垂哀憐
言爲衆生乞生命手書降表黃龍箋恐公聞此氣山湧

妄語詭公船猶全就中鄧林二死士躬蹈烈火沈重淵
願公遣使攜葆羽垂手接引援上天金戈鐵馬英靈在
倘藉神力旋坤乾吁嗟公去十六載今日何月時何年
捧觴再拜席未散又聞奔命囊書傳是日聞彭湖之警
爲同年吳德肅壽其母夫人

羅太恭人渠縣人歸澂江知府吳公笏丞道光己丑
進士

鬱鬱龍象山松柏森蒼蒼中有丹山鳥哀鳴復迴翔樹
下卽方池池旁多鴛鴦封缸有美酒羅列東西廂新婦
廚下來徐徐捧羹湯長孫華纓冠幼孫明月璫再拜拜
壽母願母舉一觴呼瀟汝來前未言淚盈眶瞿瞿心目
中曷嘗須臾忘汝父初聞喪星奔去澂江露宿衣雞斯
雨泣鈴郎當沈沈永甯城淒風搖陰房切脈紊亂絲背

面欹空牀病名我不知何由知醫方迴頭看我面眼語
諸兒郎復指白衣冠當作收斂裝汝時口啖餅學哭嬉
柩旁爲汝換錦袍隨兄爇爐香朝發瀘州頭丹旄魂飛
揚暮宿巴江尾白雞鳴悽愴體夫詈重棺騎奴嘲空囊
家有垂白母猶待兒治喪遙遙二千里如何到家鄉明
年汝兄歸捧棺交汝兄逝者遂已矣存者稱未亡我今
七十三忽忽四十霜食梅難得甜啖蔗難得漿何圖見
孫曾驩笑同此堂肅也奉母言手書告其朋同年黃遵
憲曾歷各海邦西俗重婦女安居如天堂一簪值十萬
一衣百萬強登樓客持裾試馬夫引繮夢中不識役矧
乃身手當雖則同女身苦樂何參商吁嗟三代後女學
將毋忘執業只箕帚論功惟酒漿所託或寒微持身備
嬪嬙拳拳事女君縮縮足循牆人權絀已甚世情習爲

常周婆欲制禮胡兒惟有孃將此語人人人人疑荒唐
人生於父母猶戴日月光同是鞠育恩誰能忍分張當
時黔蜀交塞道嗥豺狼驅兒就兄學虎口兒勿驚黃巾
動地來捉人鎖琅璫棄家匿深山視盜無宿糧蜀薑與
蜀錦殷勤遠寄將口書勉兒學兒學毋怠荒山中多黃
蘗甘苦母自嘗母苦兒則知不知母何望瀟今富學行
非母曷有成斯實備父德豈徒慰姑嫜作婦甘卑屈爲
親宜顯揚顯揚萬分一恩義終難詳盤龍恭人誥雕螭
節孝坊悠悠鹿鳴詩並坐歌笙簧歌我述德篇彤管何
芬芳持謝有母人念茲永勿忘

馬關紀事

既遣和戎使翻貽驕倨書改書追玉璽絕使復輶車脣
齒相關誼干戈百戰餘所期捐細故盟好復如初

卅載安危繫中興郭子儀屈迎回鶻馬羞引漢龍旗正
勞司賓館翻驚力士推存亡家國淚淒絕病牀時

括地難償債臺高到極天行籌無萬數納幣一千年

金

歲幣銀二十萬兩以今計侍衆忘蠱蜚驚人看雀鷓傷

心債博進十擲輒成鞬

竟賣盧龍塞非徒棄一州趙方謀六縣楚已會諸侯地
引相牙大鄰還已奪牛瓜分尙乘敝更益後來憂

蕞爾句驪國羣知國必亡本圖防北狄遷怒及西皇患

轉深蟬雀威終讓虎狼

朝鮮自主後日本公使三浦某
合黨謀亂擾及王宮王避居於

俄羅斯使館弟兄同禦侮莫更禍蕭牆

晚渡江

擾擾悲生事孤篷自往還霞紅眉欲笑山綠鬢遙刪魚
底星辰睡鷓邊天地閒號咷磯外水莫更向人間

降將軍歌

衝圍一舸來如飛衆軍屬目停鼓聲船頭立者持降旗
都護遣我來致詞我軍力竭勢不支零丁絕島危乎危
龜鼈小豎何能爲島中殘卒皆瘡痍其餘鬼妻兵家兒
鍋底無飯枷無衣紇干凍雀寒復饑六千人命懸如絲
我今死戰彼安歸此島如城海如池橫排各艦珠纍纍
有礮百尊鎗千枝亦有彈藥如山齊全軍旗鼓我所司
本願兩軍爭雄雌化爲沙蟲爲肉糜與船存亡死不辭
今日悉索供指麾乃爲生命求恩慈指天爲正天鑒之
中將許諾信不欺詰朝便爲受降期兩軍雷動懽聲馳
燐青月黑陰風吹鬼伯催促不得遲濃薰芙蓉傾深卮
前者闔棺後輿尸一將兩翼三參隨兩軍雨泣咸驚疑
已降復死死爲誰可憐將軍歸骨時白幡飄揚丹旆垂

中一丁字懸高桅迴視龍旗無孑遺海波索索悲風悲
悲復悲噫噫噫

五月十三夜江行望月

灑淚填東海而今月一圓江流仍此水世界竟今年橫
折山河影誰攀閩闔天增城高赤嵌應照血痕殷

臺灣行

城頭逢逢播大鼓蒼天蒼天淚如雨倭人竟割臺灣去
當初版圖入天府天威遠及日出處我高我曾我祖父
刈殺蓬蒿來此土糖霜茗雪千億樹歲課金錢無萬數
天胡棄我天何怒取我脂膏供仇虜眈眈無厭彼碩鼠
民則何辜罹此苦亡秦者誰三戶楚何況閩粵百萬戶
成敗利鈍非所覩人人效死誓死拒萬衆一心誰敢侮
一聲拔劍起擊柱今日之事無他語有不從者手刃汝

堂堂藍旗立黃虎傾城擁觀空巷舞黃金斗大印繫組
直將總統呼巡撫今日之政民爲主臺南臺北固吾圉
不許雷池越一步海城五月風怒號飛來金翅三百艘
追逐巨艦來如潮前者上岸雄虎彪後者奪關飛猿猱
村田之銃備前刀當輒披靡血杵漂神焦鬼爛城門燒
誰與戰守誰能逃一輪紅日當空高千家白旗隨風飄
搢紳耆老相招邀夾跪道旁俯折腰紅纓竹冠盤錦條
青絲辮髮垂雲鬢跪捧銀盤茶與糕綠沈之瓜紫蒲桃
將軍遠來無乃勞降民敬爲將軍導將軍曰來呼汝曹
汝我黃種原同胞延平郡王人中豪實關此土來分茅
今日還我天所教國家仁聖如唐堯撫汝育汝殊黎苗
安汝家室毋饒饒將軍徐行塵不囂萬馬入城風蕭蕭
嗚乎將軍非天驕王師威德無不包我輩生死將軍操

敢不歸依明聖朝噫噓吁悲乎哉汝全臺昨何忠勇今
何怯萬事反覆隨轉睫平時戰守無豫備曰忠曰義何
所恃

度遼將軍歌

聞雞夜半投袂起檄告東人我來矣此行領取萬戶侯
豈謂區區不余畀將軍慷慨來度遼揮鞭躍馬誇人豪
平時蒐集得漢印今作將印懸在腰將軍鄉者曾乘傳
高下句驪蹤跡遍銅柱銘功白馬盟鄰國傳聞猶膽顫
自從弭節駐雞林所部精兵皆百鍊人言骨相應封侯
恨不遇時逢一戰雄關巍巍峨高插天雪花如掌春風顛
歲朝大會召諸將銅爐銀燭圍紅氈酒酣舉白再行酒
拔刀親割生彘肩自言平生習鎗法鍊目鍊臂十五年
目光紫電閃不動袒臂示客如鐵堅淮河將帥巾幗耳

蕭娘呂姥殊可憐看余上馬快殺賊左盤右辟誰當前
鳴綠之江碧蹄館坐令萬里銷烽煙坐中黃曾大手筆
爲我勒碑銘燕然么麼鼠子乃敢爾是何雞狗何蟲豸
會逢天幸遽貪功它它籍籍來赴死能降免死跪此牌
敢抗顏行聊一試待彼三戰三北餘試我七縱七擒計
兩軍相接戰甫交紛紛鳥散空營逃棄冠脫劍無人惜
只幸腰間印未失將軍終是察吏才湘中一官復歸來
八千子弟半摧折白衣迎拜悲風哀幕僚步卒皆雲散
將軍歸來猶善飯平章古玉圖鼎鐘搜篋價猶值千萬
聞道銅山東向傾願以區區當芹獻藉充歲幣少補償
毀家報國臣所願燕雲北望憂憤多時出漢印三摩抄
忽憶遼東浪死歌印兮印兮奈爾何

閏月飲集鍾山送文芸閣學士廷式假歸兼懷陳伯嚴

吏部三立

潑海紅霞照我杯江山如此故雄哉馬蹄蹴踏西江水
相約扶桑濯足來

用寫經齋體送葉損軒之申江

幾日蕭疏雨滴簷送君一舫水新添閨餘桐葉閒來數
去後桃花笑復拈索和詩箋停玉版判依文稿閣牙籤
夫餘立國今何似爲我探詢海外髯

立秋日訪易實甫順鼎遂偕遊秦淮和實甫作

袖裏魂南一束詩茫茫相對兩情癡看揚玉海塵千斛
喜賸青溪艣一枝鶉首賜人天亦醉龍泉伴我世誰知
死亡無日難相見況又相逢便說離

又和實甫

九州莽莽匆匆走兩鬢蕭蕭漸漸枯欲訪蓬萊難附鶴

暫攀楊柳可藏烏
筆留白石飛仙語
袖有青溪小妹圖
猶是人間乾淨土
莫將樂國當窮途

元武湖歌和龍松岑繼棟

大江滾滾流日夜
降旛屢豎石頭下
別有蒼茫一片湖
山勢周遭潮不打
湖光十里擎風荷
游人競說安樂窩
船頭簫管驢背酒
吳娘楚客時經過
城南暑鬱蒸如甕
汗雨橫流溼衣縫
笳鼓欣停戰伐聲
蓬船合作清涼夢

一客新自天邊來

唐春卿侍郎

一客臥起叢書堆

龍松岑戶部承

平公子文章伯

同坐有沈藹蒼王雲澄兩觀察何詩孫太守

酒龍詩虎爭崔

崑天風浩浩三萬里
吹我犯斗星槎迴
河山不異風景好
今者不樂何爲哉
江城明媚雨新霽
菱葉蓮蓬送香氣
井闌莫問燕支山
鐘聲尙認雞鳴埭
閒閒十畝逍遙游
莽莽六朝興廢事
珠樓綺閣未渠央
青蓋黃龍奈何

帝盛衰漫唱百年歌哀樂且圖今日醉酒波光溢金叵
羅銀鱸錦鳴甘芳多強顏作歡攢眉飲茫茫對此如愁
何夕陽映郭空波明柳絲漾綠蘆芽青平生舊游在吾
眼彷彿上野湖心亭

上野西湖爲日本
東京游識佳處

美酒肥牛酣大

嚼頭冠腰箭恣歡謔遙想將軍渡海歸相從凱唱從軍

樂

九月初三夜招袁重黎柯巽庵梁節庵王晉卿諸君小

飲和節庵韻

嫋嫋風波又此秋青溪幾曲映清流疏篷翦燭人重話
短鬢簪花老漸羞杯影驚心傾海水角聲催晚逼城樓
蒹葭別有悽悽恨不向中央怨阻修

上海喜晤陳伯嚴

颯颯秋風夜氣深照人寒月肯來臨磯頭黃鵠重相見

海底鰻魚未易尋

伯嚴到我三日不值

大地山河悲缺影中年

絲竹動歡心橫流何處安身好從子商量抱膝吟

題黃佐廷贈尉遺像

佐廷名季良番禺人光緒十年七月初三日在閩江

揚武船中殉難 詔以雲騎尉承襲方敵船圍困馬

江佐廷自以照像寄其父道平自言能爲忠臣卽是

孝子卒踐其言年僅二十五耳

潑海旌旗蒸血紅防秋諸將盡籠東黃衫淺色靴刀備
年少翻能作鬼雄

不如烏鳥陳情表生屬猴年寄母書讀到季良男百拜
淚痕點點照衣裾

不將褻鄂晝凌煙颯爽英姿尙凜然一語衝君冠上髮
有人降表寫龍箋

贈梁任父同年

列國縱橫六七帝斯文興廢五千年黃人捧日撐空起
要放光明照大千

法盧左字力橫馳臺閣官書帖括詩守此毛錐三寸管
絲柔綿薄諒難支

白馬東來更達摩青牛西去越流沙君看浮海乘槎語
倘有同文到一家

寸寸山河寸寸金瓜離分裂力誰任杜鵑再拜憂天淚
精衛無窮填海心

又天可汗又天朝四表光輝頌帝堯今古方圓等顛趾
如何下首讓天驕

青者皇穹黑劫灰上憂天墜下山隕三千六百鈞鼇客
先看任公出手來

寄女

團團雞子黃灑灑花豬肉雙雞日饋洎毋許竊更鶩飯
蒸粳稻香酒潑蒲萄綠庖丁日解牛碎切煮爛熟吹沫
成白波碾塵積紅麴罨以自然鼎濃過留香粥我日啜
此汁十載未饜足勿告而翁知知之恐眉蹙牛旁侍閤
羅黃金罈四目云欲取屠人橫叉入地獄佛自愛衆生
我且飽天祿嗟余患瘵後負風幾欲伏計臂小半分量
腰臏一束兩頰旋深渦而今漸平復須白一二莖雙鬢
尙垂綠朝朝輒飽後行行捫余腹寄汝近時影祝我他
時福

江南三四月夾道花爭妍誰家女如雲各各扶婢肩碧
羅湖水媚茜紗秋雲娟就中最驕詡繡羅雙行纏一裾
覆百金一襪看千錢婷婷復嫋嫋纖步殊可憐笑謂蠻

方人半是赤足仙新樣尖頭鞋略仿浮海船上纈千鴛
鴛下刺十丈蓮指船大如許伸腳笑欲顛汝輩聞此語
當引扇障顏父母誰不慈忍將人雕鐫幸未一缸淚買
此雙拘攣邇聞西方人設會同禁煙意欲保天足未忍
傷人權吁嗟復吁嗟作俑今千年

寶塔高十層巍峨天主堂蹇人欲上天引手能扶將指
揮十字架閃閃碧眼光土人手執篋驅之如虎狼蘇州
大都會新開通商場蜃氣噓作樓馬鬣化爲牆行有女
歐絲條條出空桑載我金錢去百帆復千箱我奉天府
檄奔走吳之江一月三往來往來趁夜航彼酋領事官
時時從商量喜則軒眉笑怒或虬髯張豈免鬪脣舌時
復攬肝腸世人別顏色或白亦或黃黑奴汝所知汝會
至南荒昔有女王國會封親魏王文身易斷髮鱗介被

冠裳自我豎降幡亦附強國強汝弟捧地球手指海中
央區區黑子大胡爲戰則贏汝母口誦經佛國今何方
如何伏魔者怒目無金剛聰明汝勝母書付汝參詳慎
勿給人看看則疑荒唐

感懷呈樵野尙書丈卽用話別圖靈字韻

海南巨鱷頑不靈非人非鬼絕覩聆詘疆彌隙百無策
罔兩鑄鼎誰能銘方今五洲猶戶庭雲帆躡艦來不停
海波漫漫縈不掩天闕蕩蕩門無扃突然太行扼井陘
欲上無梯馳無輪守門狺狺黑犬吠傳書杳杳飛鸞青
背盟絕客出何經更索鉅島屯飛舫蛙蛤相呼祇取鬧
蛟螭攫人先染腥我生遇合如逕庭累百感心萬勞形
西踰萬里大漠絕東居二年濛雨零於今忽作閉口瓶
焚香依佛晝鎖廳平生蹤跡默自數將南忽北飄浮萍

故鄉梅花今已馨在山泉水催我聽歸攜片石問君平
客槎奈犯牽牛星

放歌用前韻

歸來歸來兮窮鬼舍我擲揄鬼不靈我目無覩耳無聆
迷陽迷陽傷我足豈能絕漠渡磧遠勒燕然銘平生履
海如戶庭風輪逐地馳不停忽然鳳皇受詒鳩告絕百
靈閉門門晝扃行趨太行越井陘莫縶馬今朝展輪攀
雲觀日俯視衆山小復走江南江北飽看青山青不然
痛飲讀騷經望衡九面浮湘舸秋風嫋嫋一葉渡江去
金焦山天下探水窟蛟龍腥噫吁乎窮邊甌脫多王廷
尚有五嶽留真形我鄉我土大有好山水猶能令我顏
丹鬢綠不復齒髮嗟凋零肩囊腰劍手鉢瓶歸來歸來
兮左樓右閣中有旋馬廳二松五柳四圍雜桃李坐看

風中飛絮波中萍寒梅著花幽蘭馨小山招隱君其聽
歸來歸來兮菜香飯熟茶餘睡覺獨自語京華北望戀
戀北斗星

題樵野丈運甕齋話別圖

光緒丙戌尚書奉使美國道出廣州倪豹岑中丞爲
作此圖

四海復四海九州更九州既踰海西極尙非天盡頭今
之墨利堅佛說牛賀洲通商五十載聚衆千百儔金椎
南北道鐵耜東西疇世族庾氏庾專門輒入輒吉莫製
革履蒙戎縫旂裘下至洒削技亦挾瓦墁售人人輦金
歸金山高甌窶初闢合衆國布告東諸侯紅黃黑白種
萬族咸并收無端畫禹迹不使隙地留爭食鬪雞蟲別
味殊薰蕕橫下逐客令相率合力勦丸泥封函關劃道

分鴻溝欲使越地舟同歌筵國篋公時秉英蕩禦侮持

干椒逆阪善轉丸密室工藏疆謂有百金產當免南冠

囚按約往美之華工應往來自便美人謂託者多亦欲限禁凡犯禁者概加以囚繫公與外部議華工在美

苟有千金產者即不許禁已諾行鑿山通蕙叢築築臺

而華工不解此意轉以鬩爭廢約頗有袒護華工者

高環榴拔幟已歸漢右袒翻爲劉議此約時上下議員頗有袒護華工者

豈圖五丁力竟招衆楚咻華言造蜚語越調騰怨謳我

時居京都逢人說因由恨不後車從參預前箸籌乙酉

遵憲歸自美國明年春公由豹岑中丞馳檄召至廣州

命仍充金山總領事憲以限禁華工之例禍爭未已慮

不勝任力辭而爭約出於速公唱刀環我復隨軒輶契

闊六七載煙波杳悠悠忽然地軸翻東海嗟橫流黃塵

滾滾來蔽天森戈矛遼東十萬家血染紅鬪髀何物掉

尾鯨公然與龍仇中有枳首蛇飛飛從鶴驚盲雲雜怪

雨波寒風颼颼魴鯁戒出入蛟螭互蟠膠公復探虎穴

徑驅車前騶絲轡閭無華雲旌慘垂旒謂我識塗馬召
我來咨諏檄我千里船揖我百尺樓戰旗捲風急臘鼓
催年道竦立誦璽書未語鯁在喉 皇帝問東皇兩國

非寇讎元元一家子所願兵革休側聞哀痛詔淚珠榮
雙眸何期尺一書按劍明珠投和戎盟已定關港事方
稠我捧大府檄尋約毋效尤夜郎挾天驕自比黑面猴
鴟音不革響馬逸難維婁定議法六條未審然與不喜
公告典屬語妙言無郵公亦定載書氣奪藩之首頗如

雲從龍上下相應求平生躡公後學步隨沈浮公使美

國使日本國憲初官日本參贊繼任美國總領事超擢出驂乘公由皖南道奉

品卿充總理各國事務大臣誤犯凌斗牛公使日本不

使誤聽致凡公所親歷我亦窮追搜古稱絕域使例比

譚天鄒獻環詡益地折筮誇防秋王會徵職貢使父親

懷柔今日渡西海受節先包羞紫鳳短褐倒黃龍清酒
酬與公共此役積歲叢百憂艱難比天險嗟怨惟鬼謀
一燈話疇昔累夕言呶嘍憲也初識公同客齊之眾哦

詩商舊學漉酒酣新筭抵掌當世務時時摩蒯緱爾時
會秦趙重獄窮共兜

時以滇南苗人殺馬嘉利事合吁肥傅相與威妥瑪會議於此

嗟海大魚已如魚中鉤尙能跋巨浪展翼摩天游指東
覆蟠木圖南包小球環顧四海波依然完金甌卽當繪
圖時今亦一星周二老話昇平一室何清幽入門竹數
竿翠覆雲油油登盤獻橙橘繞屋圍松楸茫茫大瀛海
寸地纔一漚門前水只尺便通浮海舟海水綠搖天中
函今古愁公自翔丹鳳我行從白鷗再閱二十年重對
話綢繆

和沈子培同年曾植

蕩蕩門開翼不飛九天爲正有天知鳩媒絕我言何巧
猿臂封侯數本奇縹緲三山信徐市橫縱六里聽張儀
雲中指點回車路且任東風馬耳吹

游仙詞仍用沈乙庵韻

玉宇揚塵海盡飛丁寧無遣世人知誤移紫鳳圖難補
欲探青鸞足又騎惡水壘經鬼羅刹散仙猶詔漢官儀
思歸送遠天風曲遙聽紅牆玉笛吹

元朱碧山銀槎歌

王阮亭居易錄槎杯元銀工朱碧山製吏部侍郎孫
北海家物苑西集又云宋荔裳觀察所藏後歸於余
馮海宴金石索言近藏曾賓谷家杯左鑄朱華玉造
右至正壬寅圖書碧山二字皆小篆也或仿其製出
以讎客爲作此歌

華燈照夜張銅荷酒池艷艷吹白波主人醉客出奇器
錯落絕勝銀頗羅玉芒鋒殺巧削楮珊瑚枝盤屈紛交柯
中虛龍腹深兀兀下銳鳳尾飛莎莎滑稽滿注妙能轉
渾脫安穩平不頗拍浮凌波舞白鳥蜿蜒張翅旋丹螺
槎頭有人五銖服挾書傲睨顏微醅蓬萊三山在臺瓊
靴尖一趂時來過

逢原記李適之酒器有蓬萊瓊上有三山象三島

下鑄至正

壬寅字朱華手造無差訛吁嗟大元起漠北滅國五十
揮天戈大瓶昇酒四白象行幕鳴鼓千明駝珠盤玉甕
鴉鶻石萬邦琛賚來求和使星任指東西極亦飲白鵠
擎金鵝承平日久文物盛巧工亦復高巍峨一杯流傳
六百載急觴飲我憂益多天乎平戶覆舟後寇來又見
東海倭玉塵百斛輸不盡黃龍十艦棄則那繡衣使者
雖四出強顏媚敵還遭訶卽今迴槎令逐客竟隔上闌

遮銀河

居易錄杯有篆二十八字云欲度銀河潤上關時人浪說貫銀鸞如何不見天孫錦只帶支機

片石

追思虞揭作高會

苑西集元時虞揭二公各令碧山製槎爲壽

朝回花

底恆鳴珂清談定窮星宿海歡飲應賦天馬歌海鷗盜
去杯羽化尙竊形似工研磨坐觀桑田幾興廢如撫銅
狄三摩抄肆工述物亦苦窳朝官退食無委蛇攢眉對
飲長太息銀槎銀槎奈爾何

爲何翺高兵部藻翔題象山圖

裨瀛大海四圍環半在虛無縹緲間天戴堯時州禹迹
分明認取自家山

叩門海客偶譚瀛發篋陰符或論兵糜盡蟲沙賸猿鶴
拭乾殘淚說閒情

說教祇神方造塔訛言王母又行籌年來洗耳胸無事
一味貪眠看水鷗

十七史從何處說茫茫六合賦何愚騎驢倒看雲烟過
只好商量入畫圖

酬會重伯編修

詩筆韓黃萬丈光相鄉相國故堂堂誰知東魯傳家學
竟異南豐一瓣香上接孟荀騶論縱旁通騷賦楚歌狂
澧蘭沉芷無窮竟況復哀時重自傷

廢君一月官書力讀我連篇新派詩風雅不亡由善作
光豐之後益矜奇文章巨蟹橫行日世變羣龍見首時
手撚芙蓉策虬駟出門惘惘更尋誰

上黃鶴樓

磯頭黃鶴日東流又此闌干又此秋

乙未五月客鄒方與客登樓忽聞臺

灣瀆棄之韓

遂興盡而返 鼾睡他人同臥榻婆娑老子自登樓能言

鸚鵡悲名士折翼天鵬慨督州灑盡新亭楚囚淚煙波

人境廬詩草

卷八

六

風景總生愁

上岳陽樓

巍峨雄關據上游重湖入百望中收當心忽歷秦頭日

近見西人勢力範圍圖竟將長江上下游及浙江湖南指入英吉利屬內矣畫地難分禹迹

州從古荆蠻原小醜卽今砥柱孰中流紅髯碧眼知何

意挈鏡來登最上頭是日有西人登樓者

長沙弔賈誼宅

寒林日薄井波平人去猶聞太息聲楚廟欲呼天再問

湘流空弔水無情儒生首出通時務年少羣鷺壓老成

百世爲君猶灑淚奇才何況並時生

書憤

一自珠崖棄膠州紛紛各效尤旅順大連灣威海衛廣州灣瓜分惟客

聽薪盡向予求素楚縱橫日幽燕十六州未聞南北海

處處扼咽喉

豈欲親豺虎聯交約近攻如何盟白馬無故賣盧龍

光緒

二十二年使俄密約已以膠州許之一著棋全敗連環結不窮

德取膠州

論者已知意在旅順矣

四鄰牆有耳言早洩諸戎

擾擾無窮事吁嗟景教行乍聞祆廟火已見德車旌過

重牽牛罰橫挑嘴犬爭挾強圖一逞莫問出師名

殺二教士

遂失膠州

古有羈縻地今稱隴領州竟聞秦失鹿轉使魯無鳩

各國

勢力範圍圖獨中國無分

地動山移恐天懸日墜憂君看黑奴國到

此屬何州

弱肉供強食人人虎口危無邊畫甌脫有地盡華離爭

問三分鼎橫張十字旗波蘭與天竺後患更誰知

支離

舉鼎贖先絕支離笑此身窮塗竟何世餘事且詩人技
悔屠龍拙時驚嘆蜡新剖胸傾熱血恐化大千塵

人境廬詩草卷八終

民國十九年六月
吳孫能立重校印

人境廬詩草卷九

嘉應黃遵憲公度

紀事

貫索星連熠熠光穹廬天蓋暮蒼蒼秋風鼓吹妃呼豨
夜雨鈴聲劬禿當十七史從何處說百年債看後來償
森森畫戟重圍柝坐覺今宵漏較長

放歸

絳帕焚香讀道書屢煩促報訊何如佛前影怖棲枝鷓
海外波驚涸轍魚上海道蔡鈞達以兵二百名圍守滬
不測議聚衆劫余他徙而日本駐京公使亦此地可能
請於總署余慮其重滋余罪也轉為之深懼
容複壁廿五夜得總署報云查康未匿黃處無人肯就
問篋輿玉關楊柳遼河月卻載春風到舊廬

九月朔日啓程由上海歸舟中作

月黑霜凝點客衣
寥天雁影乍南飛
一池水問干何事
萬里風勞遠送歸
測鏡回看星貫索
解裝待問石支機
旁人莫誤三能望
遙指銀潢望紫微

到家

處處風波到日遲
病身憔悴尙能支
少眠易醒藏蕉夢
多難仍逢翦韭時
大海走鰻尋有迹
老翁失馬卜難知
援琴欲鼓拘幽操
月在中天天四垂

感事

授受元辰紀上儀
帝堯訓政典留貽
誰知高后垂簾事
又見成王負扆時
九鼎齊鳴驚雉雉
千金懸格購龍醫
白頭父老紛傳說
上溯乾嘉淚欲垂

上變飛騰赤白囊
兩端首鼠疾奔忙
剛聞赤板連名奏
便召長槍第六郎
馳騎鎖門謀大索
屯橋阻水伺非常

珠襦武帳諸臣侍，亟詔明晨幸未央。

推車弄頂看文康，變態真如傀儡場。五百控弦謀劫制，
一丸進藥失先嘗。傳書信口訶西母，改制稱尊託素王。
九死一生仍脫走，頭顱聲價重天亡。

金甌親卜比公卿，領取冰銜十日榮。東市朝衣真不測，
南山鐵案竟無名。芝焚蕙嘆嗟僚友，李代桃僵泣弟兄。
聞道話天兼罵賊，好頭誰斫未分明。

父子相從泣獄扉，老翁七十荷征衣。一家草索看生縛，
三寸桐棺待死歸。鑿空虛槎疑漢使，涉江奇服怨湘妃。
可憐時俊才無幾，瓜蔓抄來摘更稀。

下詔曾宣母子離，初聞逐諫後笞兒。心肝誰奉藏衣詔，
骨肉難徵對簿詞。一網打餘高鳥盡，九泉曲處蝥龍知。
恩牛怨李原無與，莫誤忠奸讀黨碑。

師未多魚遂漏言如何此事竟推袁柏人誰白屏王罪
改子終傷慈母恩金玦厲涼含隱痛杯弓蛇影負奇冤
五洲變法都流血先累維新案盡翻

太白星芒月色寒五雲縹緲望長安忍言赤縣神州禍
更覺黃人捧日難壓己眞憂天夢夢窮塗並哭海漫漫
是非新舊紛無定君看寒蟬噤衆官

人境廬之隣有屋數間余購取其地葺而新之有樓巋
然獨立無壁南武山人爲書一聯曰陸沈欲借舟權
住天問翻無壁受呵因足成之

半世浮槎夢裏過歸來隨地覓行窩陸沈欲借舟權住
天問翻無壁受呵偶引雛孫問初月且容時輩量汪波
灣灣幾曲青溪水可有人尋到釣簑

寒夜獨坐臥虹榭

今時何時我非我中夜起坐心旁皇風聲水聲烏烏武
日出月出團團黃層陰壓屋天四蓋寒雲入戶山兩當
回頭下視九州窄高飛黃鵠今何方

小飲息亭醉後作

斜日江波聽鷓鴣鷓鴣啼處是吾廬酒酣仍作思鄉夢
徑仄難爲益地圖偶約故人同茗芋居然文室坐蓮鬚
朝朝捧牘應官去忽憶吳江老釣徒

仰天

仰天擊缶唱烏烏拍徧闌干碎唾壺病久忍摩新髀肉
劫餘驚撫好頭顱篋藏名士株連籍壁掛羣雄豆剖圖
敢託鳩媒從鳳駕自排闥闥撥雲呼

雁

汝亦驚弦者來歸過我廬可能滄海外代寄故人書四

面猶張網孤飛未定居匆匆還不暇他莫問何如

酬劉子巖同年瑛

鐵漢樓高天四垂嶺雲愁護黨人碑看花每濺啼鶉淚
繞樹難安飛鳥枝何地可名清淨土思君忽到太平時
一家樂壽兼文福呼聿吟書買寫詩

己亥雜詩

我是東西南北人平生自號風波民百年過半洲游四
留得家園五十春

亦會忍死須臾坐正用此時持事來今午垂簾春睡起
擁爐拈箸撥寒灰

自攜蠟屐自扶筇偶亦偕行挈小童積習未除官樣俗
袖中藏得歛煙筒

斜陽橋背立移時偶有人過偶領之商略雨晴旋散去

不會相識亦忘誰

雲中水火界相爭相觸相磨便作聲此是尋常推阻力

人間浪作震雷驚

起世經言雷聲一雲中風界與地界相觸著二風界與水界相觸著三風

界與火界相觸著譬如樹枝相措即有火出又謂虛空中生電光以二電相觸相對相磨相打故出光此即西

人乾溼氣相磨觸成雷電之說力學氣學已見於佛經矣

跳珠雨亂黑雲翻事外閒雲卻自閒看到須臾圖萬變

終愁累卻自家山

老健真應飽看山看山誰得幾時閒屢將遊約誑猿鶴

遲恐山靈笑汝孱

夢回小坐淚潸然已誤流光五十年但有去來無現在

無窮生滅看香煙

日光野馬息相吹夜氣沈沈萬籟微真到無聞無見地

衆蟲仍着鼻端飛

拋書午倦睡醒時走聽盲翁負鼓詞漫說是非身後誤
上場人事類兒嬉

天下英雄聊種菜山中高士愛鋤瓜無心我卻如雲嬾
偶爾栽花偶看花

費盡黃金匝地鋪算來十笏只區區無端尙被西隣責
何況商量益地圖

人境廬之隣有廢屋余以二百萬錢購得之然縱橫不過數丈而隣居逼

處更無可展拓偶有營造輒來責言

曲闌十步九徘徊三面軒窗四扇開誇道華嚴彈指現
只憐無地着樓臺

牆外垂楊盡別家平分水竹頗爭差萬花爛漫他年事
第一安排旋復花

無端苞拆復接莎誤盡人非郭橐駝甫見萌芽生意盡
對花負負奈花何

接梅花四五枝已生根矣而燒花人日拆視而搔摩之卒不得生

忍向當門再種蘭露翻雨打莫重看思量空谷安身好
猶恐他時畫地難種蘭

秋淫天漏雨蕭蕭展葉抽條各自驕同作綠陰同蔽日

如何修竹肯彈蕉種竹種芭蕉

略買臙脂畫折枝明窗護以壁琉璃物從中國名從主

綠比波菱紅荔支緝藤丹砂菊皆德意志種植之甚盛

首藉入所共知此外名無定字又從音譯如波羅蜜波

羅之類大抵皆是荔支或作離支又作利支知非華產

然今西南洋無此物余詢之西人乃知本河刺伯種也

今之玻璃漢書西域傳作璧流離說文作璧珉亦譯音

名之
絮棉吹入化春衣渡海山諧足療饑一任轉輸無內外
物情先見大同時

亂草刪除綠幾叢舊花別換日新紅去留一一歸天擇

物自爭存我大公種月季花

農事傳家稷世官可知粒食出艱難妄誇天降忘人力

轉當寒冰覆翼看

呂覽有上農任地辨土三篇多述后稷之言蓋農家相傳農學嘗謂弗厥

豐草種之黃茂一章乃辨土宜察物性之學訓詁家失其旨矣至誕降嘉種貽我來牟亦頌后稷配天之功等

於造物非謂從天而降也

三千年上舊花枝頗怪風人不入詩我向秦時明月問

古時花可似今時

詩有桃李花有梅實而不及梅花賦咏梅花始於六朝極盛於唐以植物

之理推之古時花未必佳後接以他樹而後盛耳

移桃接李盡成春果碩花濃樹愈新難怪球西新闢地

白人換盡舊紅人

筆路桃弧展轉遷南來遠過一千年方言足證中原韻

禮俗猶留三代前

時客入來州多在元時本河南人五代時有九族隨王審知入閩後散居八

閩今之州人皆由寧化縣之石壁鄉遷來頗有唐魏儉

裔之風禮俗多存古意世守鄉音不改故土人別之曰

客入方言多古語尤多古音陳蘭甫先生云證之周德清中原音韻多相符合大埔林海巖太守則謂客人者

中原之舊族三代
之遺民殆不誣也

男執干戈女甲裳八千子弟走勤王崖山舟覆沙蟲盡

重帶天來再破荒梅州之土人今惟存揚古卜三族當南宋時戶口極盛其後羸弱播遷文

陸號召土人爭從軍勤王崖山之覆州人土死者十蓋八九井邑皆空故客人從他邑來今豐順大埔婦人皆

戴銀髻稱孺人相傳為帝昺
口勅此亦足補史傳之缺也

野外團焦嶺上田世傳三十子孫千元時古墓明朝屋

上覆榕陰六百年土著有傳世四五十者從寧化來者皆傳二十餘世湖其始基知為元時

矣孫枝蕃衍多者數千人少亦千人入明以後墳墓
世守無失元時墓存一二而已明時築室亦有存者

宰相表行多譜牒大宗法廢變祠堂猶存九兩繫民意

宗約家家法幾章各姓皆聚族而居皆有祠堂糾贊設牌視捐金之多寡以別位置初意以

聯宗族通譜牒而潮州惠州流弊亦或滋訟獄
生械鬪故乾隆間江西巡撫輔德有禁祠之奏

世守先姑德象篇人多列女傳中賢若倡男女同權論

合授周婆制禮權婦女皆勤儉世家巨室亦無不操井白議酒食親縫紉者中人之家則無

役不從甚至務農業商持家教子一切與男子等
蓋客人家法世傳如此五部州中最高賢勞矣

宵娘側足跛行苦楚國織腰餓死多說向粧臺供媚妾

人人含笑看黎渦有耶蘇教士語余西人束腰華人纏足惟州人無此弊於世界女人最完

全無憾云

反哺難期婦乳姑繫纓竟占女從夫雙雙錦祿駕鴛小

絕好朱陳嫁娶圖多童養媳有彌月即抱去食其姑乳者

一聲聲道妹相思夜月哀猿和竹枝權是團圓悲是別

總應腸斷妃呼豨土人舊有山歌多男女相思之辭當係獠蛋遺俗今松口松源各鄉尙相

沿不改每一辭畢輒間以無辭之聲正如妃呼豨甚哀厲而長

華燈挂壁祝添丁吉夢徵蘭笑語馨日問神游到何處

佛前別供處胎經日者言屋有神某日在門在確磨在廚竈在倉庫在房牀在廁在爐在雞

棲如興工作犯其神則墮胎或胎殘缺世皆遵信之

海國能醫山國貧萬夫荷雷轉金輪最憐一一虬髯客

手舉扶餘贈別人州為山區土瘠產薄海道既通越
審藏則暴富近則荷蘭之日里英吉利之北蠟濱擲華
法蘭西之西貢皆有積賞至百數十萬者總計南洋華
商客人居十之三同治年有葉來在吉隆與土酋鬪爭
得其地卒以無力割據歸之英人此與坤甸羅大伯事
類略相

秀孝都居弟子行人人陰驚誦文昌邇來雲笈傳抄貴

更寫鸞經拜玉皇嘉道以來所謂學術只誦陰驚文耳

更有玉皇教以關帝呂祖文昌為三聖所傳經卷均自

降鸞來如明聖經之類大抵本道家名目而附會以儒

家仁孝釋氏因果之說士大夫多崇信之

枯骨如龜識吉凶狐狸鳩占不相容一年訟牒如山積

不為疑龍卽撼龍溺於風水禍福

螺殼漫山紙蝶飛攜雛扶老語依依紅羅繖影銅簫響

知是誰家埽墓歸地足每在瑤間聚食喜食螺棄殼於

簫亦土俗

老樹棲鴉子又孫青青松柏半爲薪眼中酒化杯中淚
拜手今承主祭人拜曾祖母李太夫人墓

恨無永叔龍岡表亦媿羲之誓墓文說甚微官邀薄祿
紙錢在地酒澆墳拜先母吳夫人墓

樹靜風停夢不成枕函側倚淚縱橫荷荷引睡施施弱

竟夕聞娘喚女聲

婦墓歸不寐隔壁有撫兒者終夜有聲

黃鶻都非五尺童日催人老日龍鍾呼名摩頂回頭道

兩頰差如百歲翁

隨李伯陶先生謁其母鍾太孺人年九十八歲矣百歲翁謂余高祖也

五十年前事未忘白頭諸母說家常指渠墮地呱呱處

老屋西頭第四房

一路春鳩啼落花十齡學步語牙牙錦袍會賦小時月

月照恆河鬢已華

十齡學爲詩塾師以梅州神童蔡蒙吉一路春鳩啼落花句命題余有春

從何處去鳩亦盡情啼語師大驚次日令賦一覽衆山小余破題云天下蒼爲小何論眼底山因是嚮旦甚推

異之小時不識月
余進學時賦題也

忽想尻輪到五洲
海泓煙點小齊州
丁年破浪乘風興
畫壁留圖作臥游

歲星十二徧周天
繞盡圓球賸半環
法界樓臺米家畫
總輸三島小神山

余客海外十二年環游地球所未渡者大西洋海耳山水明秀日本爲最

長恨古人吾不見
又疑諸史半欺謾
女王銅鏡倭奴印

親手摩抄對面看
倭奴國王之印神功皇后之鏡皆現存博物館中

烏呼碑下弔忠臣
蹈海人人恥帝秦
震地哭聲塗地血

大東扶起一紅輪
德川氏之末有處士高山九郎見官闕望山陵則痛哭繼而蒲生君平作

山陵志及美英劫盟舉國復讐言攘夷而將軍主和捕戮

志士前仆後起則又唱尊王以攘夷逮大藩連結幕府

傾覆終知夷不可攘再變而講和戎之利維新之業成於二三豪俊實基於在下之仁人君子心力之爲也嗚呼

滔滔海水日趨東
萬法從新要大同
後二十年言定驗

手書心史并函中在日本時與子峨星使言中國必變或如埃及之被逼或如印度之受轄或如波蘭之瓜分則吾不敢知要之必變將此藏之石函三十年後其言必驗

一夫奮臂萬人呼欲廢稱臣等廢奴民貴遂忘皇帝貴莫將讓國比唐虞華盛頓

當時傳檄開荒令今日關門逐客書浪詔皇華誇漢大請看黃種受人鋤華盛頓之拒英也布告各國言美利堅土廣人稀無論紅黃黑白各種到美國者均一律看視而光緒八年竟行禁制華工之例

赫赫紅輪上大空搖天海綠化為虹從今要約黃人捧此是扶桑東海東歸舟行太平洋明日到日本矣五更起坐舵樓中待日出極目所際惟見水耳俄頃有萬道虹光上下照映而日出矣大如五車輪頃刻已圓勢極迅疾

四百由旬海道長忽逢此老怨津梁沈沈睡過三千歲可識西天有教皇由香港至錫蘭島有臥佛長三丈餘佛滅度後即造此像云

上燭光芒曜日星東西並峙兩天擎象形文字鴻荒祖

石鼓文同石柱銘

埃及國石柱爲周以前物字多象形郭筠仙侍郎所謂體近大篆也

一刀截斷大河橫省卻圖南六月程海客懽呼土民怨
債臺高築與天平蘇彝士河

瓊闕丹房耀彩霞爛紅玫瑰雨天華外孫魯酒皇娥瑟

同醉西方阿母家

英皇卽位今六十四年矣普魯斯王是其外孫俄皇丹主皆姻戚貴壽福

祿世所希有所居有五色彩世所希有所居有五色彩世所希有所居有五色彩世所希有所居有五色彩

生是天驕死鬼雄全歐震蕩氣猶龍世間一切人平等

若算人皇只乃公拿破崙破蓋紀功碑

萬燈懸耀夜光珠照出諸天夜燕圖縷絡網雲花散雨

居然欲界有仙都

桑斯勒塞法國之極大都會也

長夜漫漫日不光黑風吹我墮何方蒼天已死黃天立

惟見團團雞子黃

九十月之交倫敦每有大霧咫尺不辨余居英時白晝然燈凡二十三日

車馬非鈴
鐸不敢行

眼底塵驚世界微
天風浩浩吹人衣
便當御氣乘球去

飽看環瀛跨海歸
巴黎鐵塔
高一千尺

浮沈飄泊年年事
偶寄閒鷗安樂窩
急雨打窗浪搖壁

無端平地又風波
到新嘉坡二年因患瘧久病初養病

明潔無纖翳惟狂風一吼則飛浪往
往濺入窗戶間如泛舟大海中也

雲爲四壁水爲家
分付名山改姓余
瘦菊清蓮豔桃李

一瓶同供四時花
潮州富豪余家於新嘉坡之瀦水池
邊築一樓三面皆水余借居養病主

入索樓名余因江南有佘山名之曰佘山樓
樹無冬無夏余手摘蓮菊桃李同供瓶中亦奇觀也

上山如畫重累人
結屋絕無東西鄰
襟間海上一丸月

屐底人間萬斛塵
余養病至嶺擲嶼有謝姓者邀余住
竹士居居在萬山頂初用土人昇籃

輿而往至峻絕處則引手攀援而上如猿猴然再用一
人護余足到山頂絕巖俯海一無所見惟月初出時若

帶我襟
在問矣

甌蒸汗雨鬱如珠兩腋清風習習俱浴過涼波三百斛

纔知灌頂妙醍醐客南洋羣島者每晨起輒灌頂用水

治伏熱病蓋以水制汗使不敢出久之則併所受鬱熱滂沛而出覺竟體清涼矣

三年團扇在懷袖六月重裘仍帶圍萬里歸槎北風急

經旬卻換五時衣余客舊金山四年全用夾衣居英倫

住新嘉坡三年僅一單衣正二月或用薄紗惟甲午十一月月中旬由坡回華十日間炎風朔雪每日更換到上

海乃重裘矣

蟹行艸字畫佞盧蠟印紅鷹兩翼舒君主花名民主押

篋中留得兩除書官領專者其主蠶例有文憑曰大名

事存英君主美民主簽押官文各一紙上有花字末作一蠟印印作巨鷹舒翼獨立大如盤

夢裏似曾遷海外醉中不覺到江南用東坡語茫茫人海浮

沈處添得閒鷗又兩三日香濤制府署兩江總督於受事

者二三入然有賦閒者

我行徧歷三天下松寥一閣天下奇兩鼎蟠螭碑逵鶴
還有椒山手寫詩焦山

黃鶴高樓又搥碎我來無壁可題詩擎天鐵柱終虛語

空累尙書兩鬢絲黃鶴樓已毀南皮制府常語賓僚將
來鍊鐵有效當改造鐵壁庶免火災

然鐵政一局費餉五六
百萬已易官爲商矣

御屏丹筆記名新天語殷殷到小臣九牧盛名吾豈敢

知非牛李黨中人數年來以人才保薦疆臣則陳右銘
中丞二次張香濤督部三次劉峴莊

督部王夔石督部榮仲華督部廖數似中丞朝官則李
芑園尙書唐春御侍郎張野秋侍郎徐子爵侍郎各一

次而鄧鐵香鴻臚於光緒九年保奏使才已有久
困下僚之語聞得旨交軍機處存記凡十數次云

丹樓彩日畫中看初上鸞坡舉步難勞動九重前席問

繡衣門外立天官故事道府以下官必先行引見乃得
召見余因總理衙門徵召至京本有

由吏部帶領引見之旨而部議尼
之乃奉特旨預備召見蓋異數也

堯天到此日方中萬國強由法變通驚喜天顏微一笑

百年前亦與華同

召見時上言泰西政治何以勝中國臣奏泰西之強悉由變法臣在倫敦

聞父老言百年以前尚不知中華上初甚驚訝旋笑頷之

奉使虛聞結德車卻迴舞袖到長沙青鸞傳到東皇信

又泛蓬萊八月槎

三詔嚴催倍道馳霸朝一集感恩知病中泣讀維新詔

深恨鋒車就召遲

戊戌二月上命樞臣進日本國志蠶再索一部奉使日本由上特簡三詔

敦促有無論行抵何處着張之洞陳寶箴傳令攢程迅速來京之諭然余以久病恨未能遽就道也

冷月嚴霜照一燈柝鈴風送響騰騰案頭英蕩門前戟

豈有蓬條覆庾冰

到滬病益亟乃乞歸已奉旨允俞或奏稱康梁尚匿余處蓋因其藏匿日

本使館而誤傳也有旨命兩江總督查看上海道公所且當張大其事派兵圍守然余之所居本上海道公所且當

時康已在香港矣

七十尚書出荷戈三閭憔悴怨湘波撫琴欲鼓拘幽操

輒唱臣難喚奈何

竟寫梅邊生祭祠亦歌塞外送行詩候人鵠立門如海

浪語風聞百不知

國守之兵擊鎗環立如設重圍外人不知爲所犯何事疑爲大獄險語驚

人徧海內外知交探問隔絕不通然即問及余余亦不知也八月二十六夜乃得旨放歸

憐君膽小累君驚抄蔓何會到友生終識絕交非惡意

爲會代押黨碑名

八月二十五日得一紙曰與口絕交然乙未九月余在上海康有爲往

金陵謁南皮制府欲開強學會口力爲周旋是時余未識康會中十六人有余名卽口所代簽也又聞口與康至交所贈詩有南陽臥龍之語及康罪發乃取文梯參劾之摺彙刊布市蓋亦出於無奈也

環門松竹喜相迎倚樹安棲鴿不驚對鏡頭顛顛妻笑

幾乎此事卻干卿到家

菜傭酒保笑言歡偶數江湖幾謫官瓜蔓環門蘭在室

呼兒重檢漢書看

花落庭空對紫微畫簾重處漾斜暉銜雛燕子渾無賴

眼見人瞋故故飛

寒燈說鬼鬼啾啾夜雨言愁我欲愁只有蓬山萬重隔
未容海客說瀛洲

左列牛宮右豕圈冬烘開學鬧殘年籬邊兀坐村夫子
極口媢皇會補天

寒爐爆栗死灰然酒冷燈昏倦欲眠驚喜讀書聲到耳

細聽仍是入銘篇

八銘篇鄉塾時文課本也

風雨雞鳴守一廬兩年未得故人書鴻離魚網驚相避
無信憑誰寄與渠

頸血模糊似未乾中藏耿耿寸心丹琅函錦篋深韜襲
留付松陰後輩看

古佛孤燈共一龕無人時與影成三何方化得身千百
日換新吾對我譚

地球捧問海中央多少紅毛國幾方聽說龍飛周甲宴

人五言詩集 卷之九
挽鬚要去見英皇

小孫及外孫皆八九歲

相約兒童放學時小孫拍手看翁嬉平生兩事轟轟樂

爆竹聲騰鷓子飛

粵俗呼紙鷓爲鷓子

鏡中歲歲換容儀諱老無妨略鑷髭今日髮旃懸不起
星星知賸幾莖絲

蜡餘忽夢大同時酒醒衾寒自嘆衰與我周旋最親我
關門還讀自家詩

己亥續懷人詩

白髮滄江淚灑衣別來商榷更尋誰閒雲野鶴今無事

可要籃輿共護持

義寧陳右銘先生

紛紜國是定維新一疏驚人泣鬼神尋徧東林南北部

一家鉤黨古無人

宛平徐子澗

薦賢略似孔文舉下獄還因呂步舒一編選佛科名錄

便是司空城旦書

貴筑李苾
圖先生

金華講殿共論思

聖祖

文宗舊典貽指問雞棲庭

下樹可容別築鳳凰池

海鹽張菊生

優孟衣冠笑沐猴武靈胡服衆人咻問君薙髮新王令

換卻頑民多少頭

咸陽李孟符

龍泉知我劍隨身三斗撐胸熱血新是我眼中神俊物

熊羆男子鳳凰人

鳳皇熊秉三

南嶽雲開筭路初歸來秋雨臥相如零星幾卷靈鸞閣

只算江郎製錦餘

元和江建霞

我歌樂府壽人曲君作師儒紹聖篇爛漫衆雛環我拜

登堂公瑾是同年

達縣吳季清

文如腹中所欲語詩是別後相思貲三載心頭不會去

有人白皙好鬚眉

義甯陳伯嚴

入境廬詩草

卷九

十三

念我平生同隊魚又念丈人屋上烏翩翩公孫才似舅

因君問訊今何如長沙俞恪士南昌羅邠峴伯嚴有子名衡恪即其甥也

臣罪當誅父罪微呼天呼父血沾衣白頭元鬢哀蟬曲

減盡維摩舊帶圍宛平徐研父

一卷生花天演論因緣巧作續絃膠絳紗坐帳談名理

勝似麻姑背癢搔福州嚴又陵

兼綜九流能說佛旁通四部善談天紅燈夜雨圍爐話

累我明朝似失眠德和夏卿

平生著述老經師絕妙文章幼婦詞今日皋皮談改制

黃書以外錄明夷善化皮鹿門

閃電雙眸略似嗔知君龍性未能馴同游莫學梁園客

自負山膏好罵人福州鄭蘇戡

自家家法自家妝鄉里傳誇馬糞王花樣時文筍尖腳

可容兒女再商量

鄞縣王苑生

船山大隱師承遠東海寒冥學派新編到沅湘者舊錄

難爲君稱作龍身

瀏陽歐陽辨薑

屈指中興六七公論才考德首南豐籠人意氣談天口

轉似區區隘乃翁

湘鄉曾重伯

少年罪狀在金荃中歲驂鸞便學仙魂北魂南今哭徧

再傾淚海哭桑田

龍陽易寶甫

四壁青山亂疊書蓮蒿沒徑閉門居記曾元子坊邊遇

手挈筠籃貫柳魚

丹徒陳善餘

相約乘槎萬里遙天風吹散各蓬飄屋梁月黑思君夢

忽夢平生吳鐵喬

順德何蔚高

頭顱碎擲哭瀏陽一鳳而今賸楚狂龜手正需泚泚藥

語君珍重百金方

瀏陽唐戴臣

背負靈囊欲大包東西游說日饒饒冷傭酒保相攜去

幸免門生瓜蔓抄

順德麥孺博三水徐君勉

南海韓樹園

謬種千年兔園冊此中埋沒幾英豪國方年少吾將老

青眼高歌望爾曹

李炳寰唐才質

蔡艮寅

臘月二十四日詔立皇嗣感賦

漢家累葉子孫千朱果祥占瓜瓞綿十世忽遭陽九厄
再傳失紀仲壬年千秋金鑑懲儲貳九降綸音慎擇賢
今日小宗承大統典書豈忘帝堯篇

先皇遺恨鼎湖弓世及家傳總大公誰誤禮經爭繼統
妄拚尸諫效孤忠弟兄共託施生薦男子偏遲吉夢熊
片紙病中哀痛詔前星翹首又移宮

齊東野語儘荒唐讀詔人人泣數行怪事聞呼奈何帝
危詩敢唱厲憐王袖中禪代誰經見管外窺天妄測量

鉤盡甘陵南北部庶人橫議亦刊章

家居撞壞慮織兒天下膏梁百不知朝貴預尊天子父
王驕甘作賊人魁亢龍守蟄存身日瘦狗相牙擲骨時
玉匣緘名黃帶盛承平重憶說雍熙

入境廬詩草卷九終

民國十九年六月
長孫能立重校印

人境廬詩草卷十

嘉應黃遵憲公度

庚子元旦

喔喔天雞又一鳴，雙懸二曜展光明。
承天仰看金輪轉，震地訛傳玉斧聲。
漢厄愁看正月卯，代來幾協大橫庚。
自歌太乙迎神曲，終望餘年見太平。

樂奏鈞天夢裏過，瀛臺縹緲隔星河。
重華仍唱御雲爛，大地新添少海波。
千九百年塵劫末，東西南國戰場多。
南洋非洲均有戰事未知王母行籌樂，歲歲添籌到幾何。

杜鵑

杜鵑花下杜鵑啼，苦雨淒風夢亦迷。
古廟衣冠人再拜，重樓關鎖鳥無棲。
幽囚白髮哀蟬咽，久戍黃沙病馬嘶。
未識聞鵑多少恨，況逢春暮草萋萋。

初聞京師義和團事感賦

無端桴鼓擾京師，猶記昌陵鼎盛時。今日黃天傳角道，
非徒赤子弄潢池。冠纓且教官人戰，繡鬚還充司隸儀。
晝夜金吾曾不禁，未知盜首定何誰。

九百虞初小說流，神施鬼設詔兵謀。明知篝火均狐黨，
翻使衣冠習狗偷。養盜原由十常侍，詰姦惟賴外諸侯。
竹筐麻瓣書團字，痛哭誰陳恤緯憂。

博帶峨冠對舊臣，三年緘口諱維新。儘將兒戲塵羹事，
付與尸居木偶人。紹述政行皆鐵案，黨人獄起又黃巾。
卽今剛趙來宣撫，猶信投戈是義民。

寄懷邱仲闕逢甲

滄海歸來鬢欲殘，此身商榷到蒲團。哀絃怕聽家山破，
醇酒還愁來日難。繞樹烏尋誰屋好，銜雛燕喜舊巢安。

朝朝曳杖看山去看到斜陽莫倚闌

感事又寄邱仲闕

萬目眈眈大九州神叢爭博正探籌何堪白刃張拳黨

大和拳會更擾黃花落地秋嘉慶癸酉本於八月置閏欽

義和拳匪所傳經有二八中秋黃花落地之語賊黨以爲豫北

定謀糾亂及改閏林清等乃於九月十五日作亂於京

師石破真驚天壓己陸沈可有地埋憂前番尙得安身

處莫說寒蕪赤嵌愁

三邊烽火照甘泉聞道津橋泣杜鵑帝釋亦愁龍漢劫

天災況值鼠妖年流離苦語傳黃蘗盜竊迷香幻白蓮

嘉慶中白蓮教匪倡亂凡九年傳習京畿者又變爲八卦榮華紅陽白易諸名今之義和拳卽離卦教中徒黨

見那文毅公奏疏漫寫哀辭金鹿痛人間何事不顛連

述聞
太阿倒授又移權便到元黃血戰年狂喝梟盧天一笑

怒訶狗脚帝三拳垂虹上貫重輪日瀉海橫分九點煙
畢竟圖王圖作賊無端殿下比雷癩

皇京一片變烟埃二百年來第一回荆棘銅駝心上淚
觚稜金爵劫餘灰螟蛉果羸終誰撫猿鶴沙蟲總可哀
只望木蘭仍出狩鑾輿無恙賊中來

說有蒼天不死方盜泉一飲衆皆狂人言細柳都兒戲
我欲傳芭哭國殤鬼吏三官明作賊神兵六甲解擒王
古今多少昏荒事併付盲翁負鼓場

一拳打碎舊山河兩手公然斗柄揆鸚鵡往來謠語慟
魚龍曼衍戲場多火焚袂廟連烽燧轍涸羈臣乞海波
至竟遼東多浪死尙誇十萬劍橫磨

拔幟先登徑上臺礮聲震地忽轟雷一齊擾擾嗟魚爛
萬目眈眈看虎來鐵鑄六州成大錯衣香七市付沈灰

聯盟守約連名奏賴有維持半壁才

禹迹茫茫畫九州到今滄海竟橫流合縱敢拒三天下
雪恥將尋九世讎事勢可如騎虎背功名偏賞爛羊頭
是誰畫諾誰傳詔一紙明貽萬國羞

忽灑龍漉鬚太陰臣天主竄到於今風輪壞劫天難補
磐石無人陸竟沈揖盜開門終自誤虛臣釁鼓果何心
當時變政翻新案早使憂臣淚滿襟

飛角侵邊局早輸國家雖缺尙金甌翦分鶉首天何醉
再拜鵲聲帝獨憂藉寇終除鉤黨禍函圖看送罪臣頭
祖功宗德王明聖豈有乾坤一擲休

七月十五夜暑甚看月達曉

空庭樹靜悄無鴉太白光芒北斗斜破碎山河猶照影
廣寒宮闕定誰家光殘銀燭談偷藥熱逼金甌看剖瓜

滿酌清尊聊一醉漫愁秋盡落黃花

南漢修慧寺千佛塔歌

塔爲南漢劉鋹時建第一層有銘文曰敬勸衆緣以

烏金鑄造首千佛塔七層於敬州修慧寺行二瓶塔亭

供養虔緊歸善土望行三皇躬玉歷千春行四瑤圖萬歲

然願郡壇口口口口行五康平禾麥豐饒軍民寧口口

六甬順調口境歌詠口口口口行七方隅次以九宿三

塗口口口口行八樂亡魂滯魄咸證入天口口行九周圍常

隆瞻敬以大寶八年行十乙丑歲大呂之月設齊慶讚

十一銘皆陰文以光孝寺東西鐵塔證之其三面當

尚有題名如乾亨寺銅鐘款或并有衆緣弟子名然

無從尋視矣此塔創建至今九百餘年廣東通志嘉

應州志皆失載卽吳石華廣文南漢金石志搜羅極

富亦不之及塔高約三四丈上七層爲鐵鑄下壘土
築成無從攀登故不知塔頂有銘乙丑兵燹以後略
毀而未壞嗣爲羣兒毀傷日久遂圯余歸里後求之
鄰家得塔銘一方續得弟五層全層由下而上塔銘
在下爲第一層
餘准又得弟三弟四層之三方及弟二層之一方考
弟二層有七十七佛像分五層每層小佛十弟三層
六十七佛亦五層每層小佛一占小佛位四弟三層
亦五
層小佛十二式弟五層三十七佛分四層每層小佛
每
大佛如上式弟五層三十七佛分四層每層小佛
每
是推知弟六層有十二佛當是兩層每面二百五十
每層六佛
佛合計則千佛也最高之七層爲合尖頂應無像弟
四層大佛旁有小字曰東方善德佛北方相德佛西
方無量壽佛南方殘缺以釋典考之當是南方栴檀
德佛皆跌坐斂袖乘以蓮花自弟二至弟六層皆

方隅下有簷寬約四寸簷角有蟾蜍形似以之繫鈴者唯第一層無簷有立像二在兩隅似是四天王其數應不在佛中也攷敬州於南漢主劉晟乾和三年卽潮州之程鄉縣升爲州領縣一修慧寺不入志中寺址亦未悉所在此塔距余家僅數牛鳴地巋然立岡上亦無塔亭故老傳言乾隆初年由前州牧王者輔於今之齊洲寺移來寺去塔不遠然修慧寺何以易名志旣失載又無碑可證矣余所得殘整各塊均置於入境廬其塔銘則供息亭中已燭溫慕柳檢討補入新志中復作此詩以誌緣幸

天龍不飛海蛟起遙斥洛州爲刺史萬事蕭閒署大夫
仍世風流作天子無愁天子安樂公黃屋左纛誇英雄
當時十國均佞佛此國佞佛尤能工八萬四千塔何處

勅司特用烏金鑄石趺鐵蓋花四圍宮使沙門名列署
千家設供爭飯僧百姓燒指添然燈一州政得如斗大
亦造窄堵高層層此塔周圍佛千位十方弟子同瞻禮
寶林銅鐘廣勸緣雲華石室誰作記坐花共數蓮幾枝
別鏞尙餘銘百字

銘文共一百十五字
完好者九十九字

下言人鬼共安

康上祝國皇壽千歲噫嘻劉氏五十年一方嶺蛋殊可
憐畫地爲牢聚蛇毒殺人下酒垂蛟涎離宮深處卽地
獄鐵牀湯鑊窮烹煎兔絲吞骨龍作醢諸劉遺種無一
全人人被髮欲上訴亡魂怨魄誰解冤編玉爲堂柱念
四媚川采珠人八千壘山日輸贖罪石入城亦費導行
錢錢王媚佛善搜括比此尙覺差安便賣兒貼婦竭膏
血一塔豈有功德緣爾時王此昏荒國方詡極樂忉利
天紅雲張宴飽荔子素馨如雪堆花田朝出呼鸞引幢

蓋暮歸走馬委珠鈿魚英供壺甘露味翠屏舞鏡春風
顛大體雙雙學豬媚微行側側攜蟾仙樓羅檢歷縱嬉
戲候窗設監酣醉眠女巫霞裾坐決事彼昏只倚常侍
賢自謂此樂千萬歲還丹不服貪流連誰知執挺降王
長屈指造塔剛七年星流雨至時事改風輪轉劫無不
壞銅壺滴漏幾須臾倏忽到今九百載金蠶往往賣珠
市玉魚時時出銀海康陵荒廢馬墳空此塔金身巋然
在賜田補鉢亦荒蕪廢像模銅失光彩人間理亂百不
聞菩薩低眉猶故態吁嗟乎佛雖無福亦無殃而今宗
教多荒唐木鐸廣招諸弟子天主教之傳教者名曰白
主教曰神父曰司鐸
絹妄說空家鄉鸞亭雜錄白蓮教以道租爲重又有天
龐女巫諸名位所傳經卷以真空家鄉
無生父母八字爲真言
書於白絹暗室供之中西同異久積憤一朝糜爛如
蠅蟻誰人秉國竟養盜坐引強敵侵畿疆天魔紛擾脩

羅戰神兵六甲走且僵大千破碎六種動恐與佛國同
淪亡長安北望淚如瀉空亭徘徊夕陽下問佛不言佛
佯啞趙佗竊號何真降孰能保此一方者

五禽言

不如歸去不如歸去博勞無父鸚無母生小零丁長艱
苦毛羽雖成不自主歸去歸去歸何處不如歸去

姑惡姑惡小姑謠詠小姑讒我有間時獰奴黠婢日助
虐十年不將雛自嘆妾命薄作窠猶未成亦願受鞭撲
一意報姑恩云何姑不樂姑惡姑惡

泥滑滑泥滑滑北風多雨雪十步九傾跌前日一翼翦
昨日一臂折阿誰肯護持舉足動牽掣仰天欲哀嗚口
噤不敢說回頭語故雌恐難復相活泥滑滑

阿婆餅焦阿婆餅焦阿婆年少時羹湯能手調今日阿

婆昏且驕汝輩不解事阿婆手自操大婦來口饒饒小
婦來聲囂囂都道阿婆本領高豆其然盡煎太急炙手
手熱驚啼號阿婆餅焦

行不得也哥哥行不得也哥哥黑雲蓋野天無河枝搖
樹撼風雨多骨肉滿眼各自他三年病損瘦到骨還欲
將身入網羅一身網羅不敢惜巢傾卵覆將奈何行不
得也哥哥

再述

誓師仗鉞大王雄虜使連聲詈宋聾萬國談瀛驚創見
八方震電怒環攻寇來直指齊雲觀兵起誰張救日弓
況是黑龍江上月旌旗光照血波紅

璽書皇帝問東皇親愛從來昆弟行豈有行人真坐罪
忍看鄰國到脣亡剛聞窮海通飛雁翻又穹廬縱盜羊

五百島民如併命膏腴割盡可能償

存亡危急上呼天聯乞皇天悔禍延朝議正爲劉氏袒
里優忽唱李公顛主盟牛耳方推長賓館鴻臚竟首懸
誤盡懷夷南宋論況逢毒手又空拳

尊尊元老語崎間杳杳羣臣當殿趨玉磬賂人終聽客
翠華到處卽遷都預愁清酒黃龍約盡倒天吳紫鳳圖
忍聽王孫路旁泣延秋月黑亂啼烏

羽檄飛馳四百州先防狼角後旄頭兩端首鼠盟吳楚
一國蒙戎黨李牛天意豈忘黃種貴帝星猶幸紫微留
橫流忍問安身處北望徘徊漆室憂

七月二十一日外國聯軍入犯京師

壓城雲黑餓鴟鳴齊作吹脣沸地聲莫問空拳敲市戰
餘聞扈蹕六軍驚波臣守轍還無恙日馭揮戈豈有名

聞道重臣方受節料應城下再尋盟

聞車駕西狩感賦

史臣新紀中興年應數西遷弟一篇嵩室剛呼千萬歲
帝車同仰九重天齊人野語紛多故海客瀛談每浪傳
今日君顏親咫尺秋風簫鼓競導前

有以守社稷爲言者口號示之

萬一羣胡竟合圍城危援絕勢難支要知四海爲家日
終異諸侯失國時奪使只如爭虎穴勞王非敢戰魚麗
溥天頌德三年久請聽回中鼓吹辭

中秋夜月

會聞太姆會羣仙霞縵雲綉做綺筵齊唱人間可哀曲
卻忘天上是何年橫爭叢博拚孤注醉擲陶輪碎大千
賸取山河月中影不成滄海不成田

讀七月廿五日行在所發罪己詔書泣賦

讀詔人人泣數行朕躬不德股肱良三年久已祈羣望
此罪明知在萬方表裏山河故無害轉旋日月定重光
婆娑鳳尾親批諾遙想天顏慘不揚

諭勦義和團感賦

是民是賊論紛歧鑄鼎圖姦始共知黃帶亦編流寇傳
鑷衣重覩漢官儀自天下降愚黔首爲帝驅除比赤眉
伏劍直臣猶未瞑料應喜見中興時

聞駐蹕太原

南海昆明付劫灰西風汾水雁聲哀勤王莫肯倡先晉
樂禍人猶奉子顏兵甲誰清君側惡衣冠各自賊中來
壺漿夾道民爭獻願祝橋從萬里回

聞車駕又幸西安

人境廬詩草

卷十

八

羣公累月道旁謀擾擾干戈未敢休
太白去天真一握
稗瀛環海更西流
河山形勢成牛角
神鬼威靈尙虎頭
端王所統虎神營仍隨扈西行
差喜長安今夜月
千年環照帝王州

久旱雨霽邱仲闕過訪飲人境廬仲闕有詩兼慨近事
依韻和之

生菱碎盡賸湖光
未落秋花半染霜
舉目山河故無恙
驚心風雨旣重陽
麻鞋袞袞趨天闕
華蓋遲遲返帝鄉
話到黃龍清酒約
唏噓無語忍銜觴

蒹葭秋老臥江湖
有客敲門夢乍蘇
海外瀛談勞炙輶
甯中天笑詫投壺
自循短髮羞吹帽
相對新亭喜雨珠
太白孤雲高兩角
不知曾溼漢旌無

再用前韻酬仲闕

夜雨紅燈話夢梁
人言十事九荒唐
任移斗柄嗟王母

枉執干戈痛國殤博戲幾人朱果擲劫灰徧地白蓮香
殘山一角攜君看差喜無須割地償

北望鈞天帝所都詔書昨拜執金吾羞言玉璽褒新事
淒絕霓旌幸蜀圖牛李尙尋鈞黨禍晉秦能作一家無
尊王弟一和戎策誰唱迎鑾作先驅

三用前韻

秋草灤河輦路荒牛車重又冒風霜國人爭看天魔舞
帝女難言神鵲祥今尙拳拳持璽綬人言籍籍撲鎌囊
蕪蕪豆粥艱辛處應憶東朝樂未央

無人伏闕諫青蒲事誤都由七尺孤當壁咸尊十阿父
折筮思服小單于黃羅擁護難爲婦寶玦淒涼乞作奴
同此王稱同此禍早知金狄讖非誣

四用前韻

撼門環哭呼高皇鐘簾何人奉太常墮地金甌成瓦注
在天貫索指銀潢歸元纁篋催函送計口緡錢責幣償
索償至四百五十兆兩以戶口計之是每人一緡錢也豈獨漢唐無此禍五洲驚
怪國人狂

聚語踦閭二大夫報書未服五單于華離倘免分瓜苦
焚亂難遲蔓草圖藉口豈徒徵紀甌空拳尙欲曜威弧
禱天莫作遷延役早已荆榛萬骨枯

五用前韻

盜璽曾聞罪贊襄如何在鼎九刑忘君臣相顧如騎虎
父子難爲隱攘羊今日家居誰撞壞老身社飯自思量
忽傳罪己興元詔霑灑青霄淚萬行

掩抑魚軒賦載驅吞聲在野鴿跣跣行尙縱花門賊
入衛難徵竹使符舊夢百年仍鎖港殘山半壁欲遷都

最憐黃鶴樓中客西望長安淚眼枯

奏稱臣等自五月以來驚魂欲斷淚

眼將枯云

六用前韻

噫嘻諸將敢連衡傳檄清奸告四方狼角盡除塵盡掃
龍顏重奉日重光到今北闕猶朝拱豈有西鄰妄責償
汾水秋風太行雨幾人南望感勤王

天何沈醉國何辜橫使諸華擾五胡照海紅燈迎聖母
驚人銅版踏耶穌奇聞竟合諸天戰改色愁看益地圖
到此鵲喧鳩聚語猶誇魔術誦神符

七用前韻

擾擾橫開傀儡場四方傳笑國昏荒夢鸚終悔臨朝武
氏螭應編異姓王賜劍昨悲吳命短執戈又弔楚辭殤
賴姦掩賊知難活殲我良人孰索償

謂南北殉難遭害諸君子

落葉秋風怨帝梧天寒誰爲送寒襦六宮亦寫零丁帖
九牧旁觀罔兩圖列仗黃麾函促送蒙頭氈毳病應蘇
轉旋龍馭歸何日恨未前驅手執爰

八用前韻

驚天重鼓女媧簧橫逼君絃變履霜跪地習聞提冒絮
奪門禍遂起蕭牆日中傾峴何無忌海外醫龍竟有方
聞道八神齊警蹕人間早既唱堂堂

鸞聲夾道聽誰呼重覩官儀返上都三月麤裘思德化

諸天龍節護曼殊

崇德初年西藏達賴禪師遣使馳賀奏稱爲曼殊皇帝

中央土

復尊黃帝十等人能免黑奴賴我聖君還我土人人流
涕說康衢

天津紀亂十二首

九載妖魔亂先朝寶訓垂又逢年厄閨復演卦重離善

禁刀能厭神姦鼎共知何堪三輔地焚亂遂如絲
竟屈將軍貴焚香啓閣迎嗔經龍滴淚圖怪鳥羅平大
禮分輿馬同仇賦甲兵紅巾隨衣繡攜手便偕行
棧道燒先絕軍書阻不通九天方設險六國已環攻霧
暗軍氛墨波飛戰血紅鷹麟兼鷄視高蹠大旗風
一概拳槌碎喧騰萬口譁噫風傾海市笑電掉雷車薪
積袂神火蓮開地獄花忍看灰礮毒糜盡萬蟲沙
露布明光奏翻誇士氣揚執戈童衛國麾扇女勤王赤
手能擒虎紅頭看爛羊傷心驕憤詔雪恥報先皇
廣募樓羅歷誇強曳落河摩雲飛白燕出地叫蒼鵝空
手婆猴技齊聲天馬歌赤流嗚咽水猶逞劍橫磨
二伯分藩地諸胡互市場虎牢同鄭戍魚爛竟梁亡仗
劍空神博羶輪又國殤相州師一潰從此隳邊防

誰繪流民狀冤霜苦泣零沙黃嗥餓犬月黑尾流螢倭
墮拋家髻郎當閣道鈴不徒標賣宅徧地帖零丁

官作胡奴役魔將鬼界圍驚雷從掌起酣夢忽頭飛神
亦釘銅版入難護鐵衣吞聲說離亂辛苦客逃歸

誰信勤王檄都成烏合徒兵篋紛白劫國髻哭朱儒張
脈當螳臂空譚捋虎鬚計窮惟矢死一死豈償辜

都統開牙治威儀比漢官共和成宙合餘怒及師團錦
繡千人織琅璫大吏冠更留鞭血地說付賊民看

古有蚩尤霧師君又水仙未聞召金秋幾欲死蒼天照
影神人鏡彈詞瞽女絃併歸妖亂志傳述太平年

京亂補述六首

王屋沈沈者翻聞篝火鳴潢池紛盜弄枉矢竟流行白
招天魔舞丹書鬼卒名人言十常侍內應早連盟

一炬咸陽火羣飛京洛塵自天來劍俠無地立環人囊
射匈奴血鞭麾小婢神將軍三十六妖服盡黃巾
天竟生積禍人爭唱董逃空聞宣虎節莫肯解牛刀舉
國成在病羣官作賊曹驢王兼狗相踴躍喜同袍
萬國紛馳檄傳聞客館攻魚枯將海涸龍睡尙天聾雷
鬪槍雲黑星飛彈雨紅不堪掘殘冢肆虐到神叢

亦有誅奸疏泣陳王室憂裂麻要帝諾攀檻碎臣頭月
暈蓬星見山傾鐵血流終看胡騎入扶眼在城樓
熱鐵飛輪下城門牡早亡手持忘玉璽事誤泣金牀棄
甲逃神將函頭索賊王虜塵重擾擾又換八旗揚

京師

鬱鬱千年王氣旺中間鼎盛數乾嘉可憐一炬成焦土
留與東京說夢華鸚鵡來巢公在野鴟鴞毀室我無家

登城不見黃旗影獨有斜陽咽暮笳

三哀詩 袁爽秋京卿

吳季清明府

唐載丞明經

士生板蕩朝非氣莫能濟國家有妖孽尤貴養正氣公
官典客時正值艱難際初言義和拳本出大刀會先皇
鑄九鼎早既斥魑魅明明白蓮教遺孽傳苗裔邪術金
鐘罩不過弄狡獪宗社三百年豈可付兒戲繼言諸大
國各有白馬誓預儲大萬金始可戮一士矧持英蕩來
堂堂大國使一客不能容反縱瘦犬噬問罪責主人將
以何辭對封事兩留中痛哭再上疏彼賊敢橫行實挾
朝貴勢奈何朝廷尊公與匪人比盲師糊塗相驕將偃
蹇吏擲國作孤注作事太憤憤速請黃鉞誅無得議親
貴幸清君側惡斧鉞臣不避當璧天子父不敢爲尊諱
天潢盜弄兵語直斥王字嗚呼批鱗難沉觸投鼠忘朝

衣縛下獄衆口咸詬詈白刃露霜鋒黃巾走塵騎阿師
呼大兄紅帶夾道侍謹誹殺二毛萬頭相傾擠公甫下
囚車拜問臣何罪刑官縱馬來大罵囚無禮豈容發口
言指天復畫地呼天聲未終滾地頭已墜惡耗四海傳
何人不雨淚識公十數年相見輒倒屣追述潘鄧說許
我以國器公贈詩有云器初伯訥兩孤同輩六七賢推

標說士推君器後凋之句

公最強記喜談佛老學語我求出世知公眞名士不獨
善文藝未知比干心竟爲直諫碎我實知公淺負負心
內媿馬關定約後公來謁大吏青梅雨條條煮酒論時
事公言行篋中攜有日本志此書早流布直可省歲幣
我已外史達人實高閣置我笑不任咎公更發深喟今
日讀公疏倘得行公意四百五十兆何至貽民累不獨
民累祛中國咸受惠卽彼附賊徒亦緩須臾斃斥公助

逆人黃泉見亦悔蒼蒼天九重今尚浮雲蔽痛公不言
隱開卷輒流涕盜首既伏誅知公不爲厲定爲社稷憂
騎龍謁天帝

世界隨轉輪成壞各有劫適值傾覆時萬法不必說以
君循吏才三年官於越無端桴鼓鳴伏莽寇竊發山縣
斗大城城頭黑雲壓紛紛彼狼心躍躍欲豬突君昔理
常平手曾治大猾鴉音不能革生性成禱杙到此播流
言官實通賊牒作賊兼作官滿城耳喧聒城中西教徒
積惡鬼羅刹閃閃蒼鷹眼磨刀咸欲殺公知事不可大
聲作嗔喝反激蚩蚩怒一霎盡滅裂非無防禦使蠢蠢
怯如鼈噤不發一言坐視民劫奪此客甫斷頭彼奴復
流血亂刃白雨點混殺到手滑獠犬狂號跳奔馬肆蹄
齧但是縣衙人一見輒摧捽郎當子若孫衣破脚不襪

同寮不肯留望門走托鉢指名徧搜索牽髮互辯結驅

羊入屠肆執箠尙鞭撻天堂變地獄肉花碎片割同時

遭荼毒彼此造何業

君一家遇難後並尸於天主堂堂中教士被害者共六人少婦幼兒

皆以刀鑿割其肉

君當就縛時自知當永訣上念我佛

恩如何得解脫下傷我母慈如何保生活可憐八十母

蕭條幾黃髮追憶六年前春酒壽筵設君披宮錦袍手

執先朝笏公瑾與伯符同年小一月我歌壽人曲登堂

來拜謁孫曾六七枝一一芝蘭茁最小耳銀瑤蹟面白

勝雪誰料綵衣舞回旋僅一瞥覆巢無完卵雛鳥鳴亦

絕聞今既半年未悉子存歿家人畏驚倒相戒咸結舌

入則圍紅裙出乃易墨經母尙倚閭望朝夕拜菩薩念

子歸何遲此別太契闊

家人詭以太府調往勦賊告其母

豈知望子臺

早既堆白骨以君精佛理夙通一切法明知入世事如

露如泡沫佛力猶有盡何況身生滅將頭臨刃時定知
不驚怛獨怪耶酥教瓣香未曾爇如何偕教徒一例受
磨折觀君遭萬變已足空一切只有黃鳥歌哀吟代嗚
咽

嗚呼漢家厄十世到我皇上承六七聖德澤徧入荒靡
喪三月政謳歌不能忘忽傳有疾詔徧求千金方千人
萬人和重鼓女媧簧珠襦坐武帳奔走何踴踴神鵲銜
果來天女實發祥今當堯舜朝益宜簡元良恩賜太子
衣有心見厖涼惻惻君絃聲晨寒哀履霜瀛臺百尺高
遠隔海中央齊東野人語傳說多荒唐賊相與警師髮
短心甚長亟欲奉前星高置中宮旁豬王一無知好勇
徒強梁羣小爭擁戴妄誇國富強待封狼居胥同進萬
年觴天適降神人人空拳張張我虎神威何難驅羣

羊家家白蓮花滿城吹迷香直挑強鄰怒橫縱國人狂
各國會師來長驅莫敢當遂令春秋筆天王狩河陽嗚
呼當此時國勢如蝸蟻東南外諸侯亟亟宜勤王上以
肅宮禁下以靖櫬槍外以杜鄰責免索歲幣償奈何裘
蒙戎失路迷俛俛轉令一匹夫起爲董公倡遙聞誓羣
師風雲奉龍驤多魚忽漏言一網歸淪亡畫虎竟不成
封羊亦無益成敗非所論此志良可傷人言祕篋中別
藏法三章意實主民權假託尊王綱又言三日穀縱兵
肆跳踉擄掠得幾何概許歸橐囊是皆莫須有祕獄誰
能詳江南羣盜藪紛紛說連衡倘若出此策自毀周身
防鑄鐵成大錯引刀還自戕明明勤王師轉以賊名揚
君魂果銜冤被髮訴帝鄉援袍率犀甲號召諸國殤請
帝乘白龍還我蒼天蒼茫茫此禹域滔滔彼漢江君聽

人間謠處處歌堂堂

和平里行和邱仲闕

潮陽縣有碑曰和平里碑九尺許每字高二尺許小字九曰宋廬陵文山天文祥題和平里不見於宋史惟鄧光薦丞相傳云公駐和平市政陳懿黨意後隔海港步騎未能遽前而陳懿乃迎導北師張弘正潛具舟濟輕騎直造督帳劉岳申傳云公方飯五坡嶺步騎奄至公不得脫服腦子不死衆擁之上馬見張弘正於和平大罵求死和平蓋卽此地初潮之士民請公移行府於潮公進潮陽誅懿黨劉興適鄒鳳劉于俊等亦以民兵數千自江西至指南錄所謂稍平羣盜人心翕然卽此時事鄧中甫云因潮之民阻山海之險使假以歲月增兵峙糧以立中興之本亦吾

國之莒卽墨也乃逆懿懼誅潛師夜襲卒陷絕地謂
非天乎公於祥興元年十一月屯潮陽卽住和平市
十二月十五日趨海豐入南嶺二十日被執越七日
入虜營討逆寇於此見虜帥亦於此先後凡一月有
奇里人獲公書珍襲而摹刻之以公忠義之氣感人
之深也百世下猶興起况親見公書者耶固其宜也
仲闕歸自臺灣客於潮作詩寄余歲暮感事因追和
之距文山住此時六百廿四年矣庚子歲除前三日
豐碑巍巍土花碧大書和平字深刻此鄉會駐勤王師
下馬來拜文信國澄潭小渚風不波奇卉美箭枝交柯
手攜酒壺背釣蓑彼是文山安樂窩日氣火氣蒸溼暑
人聲鬼聲雜風雨身倚窮牆立園土此乃南冠囚繫處
少日里居殊安康中年國難多搶攘最公一生所踐履

大都皇恐難與零丁洋紅塵蔽天走胡騎海水羣飛無
立地飄流絕島君若臣行在朝衣頻拭淚自從辛苦賊
中來萬死一生艱險備今夕何夕夢稍安此身卻在和
平里想見淋漓落筆時滿腔攬轡澄清志入千子弟方
募兵欲倚卽墨復齊城有田有成衆一旅天若祚宋期
中興摩崖上刻浯溪頌安知不畧臣結名崖山一哭舟
盡覆公竟囚車隨北征吁嗟乎從古未聞純是夷虜世

德祐卽位大
后詔中語

大翦分鷄首天何醉撥亂無聞平賊功劫盟

莫講和戎利邱生邱生吾與汝坐視金甌缺復碎想公
馳檄召勤王對我父老愧欲死公魂歸天在柴市今日
鄰軍猶設祭矧公畫日親筆書字字風霜留正氣孤城
隱隱烟霧遮大江濺沫飛春沙

指南錄集杜駐蕪陽云
寒城朝烟淡江沫擁春

沙
寒山片石月來照中有光芒非公耶

人境廬詩草卷十一

嘉應黃遵憲公度

聶將軍歌

聶將軍名高天下聞虬髯虎眉面色赭河朔將帥無人
不愛君燕南忽報妖民起白晝橫刀走都市欲殺一龍
二虎三百羊是何鼠子乃敢爾將軍令解大小團公然
張拳出相抵空拳冒刃口喃喃礮聲一到駢頭死忽來
總督文戒汝貪功勳復傳親王令責汝何暴橫明晨太
后詔不許無理鬧夕得相公書問訊事何如皆言此團
忠義民志滅蕃鬼扶清人復言神拳斫不死自天下降
天之神國人爭道天魔舞將軍墨墨淚如雨呼天欲訴
天不聞此身未知死誰手又復死何所大沽昨報礮臺
失詔令前軍作前敵不聞他軍來但見聶字軍旗入復

出雷聲駭駭起起處處無處覓一礮空中來敵人對案不能食一礮足底轟敵人繞牀不得息朝飛彈雨紅暮捲槍雲黑百馬橫衝刀雪色周旋進退來夾擊黃龍旗下有此軍西人東人驚動色敵軍方詫督戰誰中旨翻疑戰不力此時衆團民方與將軍離阿師黃馬絳車前鳴入關大兄翠雀翎衣冠如沐猴亦有紅燈照巾幗羸兜鍪旨五六行許我爲同仇獎我興甲兵勉我修戈矛將軍願輕我將軍知此不軍中流言各譁課作官不如作賊好諸將竊語心膽寒從賊容易從軍難人人趨叩將軍轅不願操兵願打拳將軍氣湧徧傳檄從此殺敵先殺賊將軍日午罷戰歸紅塵一騎乘風馳跪稱將軍出戰時闖門衆多僂羅兒排牆擊案拖旌旗嘈嘈雜雜紛

指揮將軍之母將軍妻芒籠繩縛兼鞭笞驅迫泥行如
犬雞此時生死未可知恐遭毒手不可遲將軍將軍宜
急追將軍追賊正馳電道旁一軍路橫貫齊聲大呼聶
軍反火光已射將軍面將軍左足方中箭將軍右臂幾
化彈是兵是賊紛莫辨黃塵滾滾酣野戰將軍麾軍方
寸亂將軍部曲已雲散將軍仰天泣數行衆狂仇我謂
我狂十年訓練求自強連珠之礮後門鎗禿襟小袖氈
氈裝蕃身漢心庸何傷執此誣我讒口張通天之罪死
難償我何面目對我皇外有虎豹內豺狼警警犬吠牙
強梁一身衆敵何可當今日除死無可望非戰之罪乃
天亡天蒼蒼野茫茫八里臺作戰場赤日行空飛沙黃
今日被髮歸太荒左右攙扶出裹瘡一彈掠肩血滂滂
一彈洞胸胸流腸將軍危坐死不僵白衣素冠黑襖福

幾人泣送將軍喪從此津城無人防將軍母年八十白
髮蕭騷何處泣將軍妻是封君其存其歿家莫聞麻衣
草屨色憔悴路人道是將軍子欲將馬革裹父屍萬骨
如山堆戰壘

夜起

千聲簷鐵百淋鈴雨橫風狂暫一停正望雞鳴天下白

又驚鵝擊海東青

元揚允孚諫京雜詠新腔翻得涼州曲彈出天鵝避海青自註曰海青擊

天鵝新聲也海東青者出於女真遊極重之

沈陰噎噎何多日殘月暉暉尙

幾星斗室蒼茫吾獨立萬家酣夢幾人醒

羣公

羣公袞袞各名聲一死鴻毛等重輕事事太阿權倒授
人人六等罪分明兵威肯薄牽牛罰黨論猶嗟走狗烹
聞道諫臣歸骨日柳車迎拜極哀榮

遁逃無地呼無天到此惟餘冒刃拳

啓秀徐承煜爲聯軍所拘卒見殺廷

雍亦被殺

甲仗空迎回紇馬

聯軍入保定廷雍出迎之

血衣竟染漢臣鞭

操戈逼父心先死

聯軍入城後承旭託名保家

全宗逼乃父徐桐自經死

按劍呵

人目尙懸

殺許侍郎袁大常即徐承煜出啓

秀手監視行刑者即徐承煜

啓秀伏法時八國各以

鷲立鷹旂

夾道看君忍辱赴重泉

兵押送均閉目不視云

各戴頭顱萬里行九州無處可偷生上尊猶拜養牛賜

五鼎先看福鹿烹

莊王在蒲州趙舒翹及英年在西安皆賜死

斷獄總應名

國賊犯顏猶記與天爭

有諺稱首禍諸臣叫囂墮突患在肘腋云云

傷心禍

首兼戎首萬骨雖枯恨未平

毓賢戍新疆行至蘭州伏誅

途窮日暮更何求白首同拚一死休銜刃尙希忠烈傳

蓋棺免索太師頭

剛毅徐桐李秉衡皆自盡

彗星掃地應除舊禍水

滔天幸絕流九廟有靈先詔在朝衣趨謁定增羞

嘉慶癸酉

八月上以遇變下罪己詔中有教匪變生肘腋實由諸臣釀成漢唐宋明未有之變云

奉 諭改於八月廿四日回鑾感賦

翹首齊瞻輦路塵又遲鑾駕阻時巡翠華望徧今天下

玉璽猶持一婦人萬里河難塞瓠子論稱雨潦難行且河決仲毀行官今

方改造云九霄星未轉鉤陳三公一國狐裘賦誰是安危社

稷臣

和議成誌感

天乎叔帶召戎來舉國傾危 九廟哀拳勇竟遭王室

亂首謀尙縱賊人魁謂革王載 失民更爲叢毆爵畢世

難償債築臺坐視陸沈誰任責寧平敢望救時才

啓鑾喜賦

千官萬騎奉龍驤蹕路交間扈從忙罪首旣誅昏墨賊

民心猶戴往黃皇神靈擁護華輿穩父老歡迎麥飯香

回首南山宮闕峻安知在昔永無忘

車駕駐開封府

竿摩轍亂逼西遷瑣尾離流倏一年奉母蒙塵猶在鄭
迎王望雨待歸燕諸侯香草方氈幕西母蟠桃又綺筵
舉首長安知日近肯留河上再遷延

李肅毅侯挽詩四首

駱胡曾左凋零盡大政多公獨主持萬里封侯由骨相
中書不死到期頤壓弧卒挽周衰德華袞優增漢舊儀
賜方龍補服歷來漢官所未有他如賞紫
纒賜三眼花翎於京師建專祠均異數也官牒牙牌書
不盡蓋棺更拜帝王師

連珠巨礮後門鎗天假勳臣事業昌南國旌旗三捷報
北門管鑰九邊防平生自詡揚無敵諸將猶誇石敢當
何意馬關盟會日眼頭鉛水淚千行

畢相伊侯久比肩外交內政各操權撫心國有興亡感

量力天能左右旋赤縣神州紛紛割地黑風羅刹任飄船
老來失計親豺虎卻道支持二十年

公之使俄羅斯也遵憲謁於滬上公

見語曰連絡西洋牽制東洋是此行要策及膠州密約成歸又語遵憲曰二十年無事總可得也

九州人士走求官婢膝奴顏眼慣看滿篋謗書疑帝制
一牀踞坐罵儒冠總無死士能酬報每駁言官更耐彈
人哭感恩我知己廿年已慨霸才難

光緒丙子余初謁公公語鄭玉軒星

使許以霸才

寄題陳氏靖廬

前者主人翁我會侍杖履後者繼主人雁行我兄弟滔
滔大江流前水復後水一息不停留百川互輸委翁昔
笑倚欄早識生滅理蓬蓬馬鬣高萬古藏於是一官甫
歸來乃無託足地生當大亂時忠賢或祈死人至以死
祈世事可知矣嗟嗟我華種受生卽患始盡是無父人

呼天失怙恃弱肉供強食誰能保沒齒翁今順化去萬
事責可已呼龍下太荒倘作神遊戲屋後瘞鶴銘是翁
記默示階前紅杜鵑是子所染淚鶴塚鵑巢間乃我寄
題字揣翁垂愛心萬一肯留視

負牆一病叟吞聲幾欲哭居此三四世手執茅衣屋作
犬不守門作彘不升木坐令田荒蕪萬事付手束自官
教我耕暫學種蔬菽橫縱濟盡通方整帛有幅門前桑
竹茶坐我樹陰綠攜兒哺雞雛反盎有餘粥倘官遂設
施庶幾一年蓄何期麥嘗新不及今茲孰炭船沂相來
篙工偶託足稱官老陳米意比凶年穀長沙露行客肩
挑笑歌逐城中諸婁羅莫敢侵半菽沈沈石墨緣窮搜
到地軸家家易金歸樂禍天雨粟人人他不知只知小
人腹帝清愛下民賴官錫民福官胡棄民歸世亦嫌薄

祿江神夾海若蹴我國日蹙無人救飢溺聽我飽荼毒
社時操豚蹄待向墓前祝

病中紀夢述寄梁任父

陰風颯然來君提君頭顱自言逆旅中倏遇狙擊狙閃
電刃一揮忽如絳市蘇道逢兩神人桃雲上天衢此挹
蹇氏袖彼褰烈士襦邂逅哭復歌互託今何如君言今
少年大罵余非夫當服九世讎折箠笞東胡逐逐揮日
戈彎彎射天弧孰能張網羅盡殺革命徒汝輩主立憲
寧非愚欲迂我方欹枕聽鳴雞亂驚呼殘日挂危簷猶
照君肩須遙知白日光明耀子軀子魂渡海來道有
風波無蛟螭日攫人子行猶坦途懸金購君頭彼又安
蔽辜在在神護持天固弗忍誅君頭倚我壁滿壁紅糝
糊起起拭眼看噫吁瓜分圖

我生託此國舉國重科第記昔持墨卷出應羣兒試夢
謁文宣王旁立朱衣吏手指平頭憲云是汝名字爾時
意氣盛年少矜爪嘴謂彼牛醫兒徒一唐名士不如黨
錮傳人人主清議汪汪千頃波陋比涔蹄水捧龜託天
呼區區竟余界烏知當是時東海波騰沸攘夷復尊王
僉議以法治立憲定公名君民同一體果遵此道行日
幾太平世我隨使槎來見此發深喟嗚呼專制國今既
四千歲豈謂及余身竟能見國會以此名我名蒼蒼果
何意人言廿世紀無復容帝制舉世趨大同度勢有必
至懷刺久磨滅惜哉吾老矣日去不可追河清究難俟
倘見德化成願緩須臾死

予今歸自美云夢俄羅斯憤作顛倒想故非癡人癡中
原今逐鹿此角復彼犄此鹿竟誰得夢境猶迷離遼東

百萬家戰黃血淋漓不特薄福龍重重圍鐵圍哀彼金
翅鳥毛羽咸離披方圖食小龍展翼漫天池鼓衰氣三
竭徧體成瘡痍吁嗟自專主中俄條約中之稱天鑒明在茲人
人自爲戰人人公忘私人人心頭血濡染紅日旗我今
託中立竟忘當局危散作鎗礮聲能無驚睡獅睡獅果
驚起牙爪將何爲將下布憲詔太阿知在誰我慚嘉富
冎子慕瑪志尼與子平生願終難償所期何時睡君榻
同話夢境迷卽今不識路夢亦徒相思

入境廬詩草卷十一終

民國十九年六月
長孫能立重校印

跋

右詩十一卷 先兄手自裒集而未付梓自 先兄下
世海內文人學士折柬相追欲讀其詩而知其人者迄
無虛歲雖然 先兄著述初行於世者曰日本雜事詩
所以覘國情紀風俗譯署之官版也日本國志所以述
職知所駐國之形勢變遷由於世界各國之形勢變遷
相逼而成則本國之從違當求合於世界各國之形勢
以爲斷故其分門別類勒成全書亟自刊行者意在於
借觀隣國作匡時之策也 先兄之書至今談時局者
未嘗不推崇之而 先兄之遇每奪於將行其志卒至
放棄且以憂死終其身皆仰成於長吏未嘗有獨當方
面以行其所懷抱者其於詩也雖以餘事及之然亦欲
求於古人之外自樹一幟嘗曰人各有面目正不必與

古人相同吾欲以古文家抑揚變化之法作古詩取騷
選樂府歌行之神理入近體詩其取材以羣經三史諸
子百家及許鄭諸註爲詞賦家不常用者其述事以官
書會典方言俗諺及古人未有之物未闢之境舉吾耳
目所親歷者皆筆而書之要不失爲以我之手寫我之
口云故其詩散見於宇內者輒爲世人所稱頌以非詩
人之先生而使天下後世僅稱爲詩界革命之一人是
豈獨 先兄之大戚而已哉 遵措不肖不能繼承兄志
有所建樹讀 先兄病篤之書謂平生懷抱一事無成
惟古近體詩能自立耳然亦無用之物到此已無可望
矣嗚呼 先兄之不忍爲詩人而又不得不有求於自
立之道其愴懷身世爲何如耶今海內鼎沸干戈雲擾
距 先兄之下世者僅六歲耳 先兄之不見容於當

時終自立於無用之地位 先兄之不幸抑後於 先
兄者之不幸耶然則 先兄之哀集已竟所不欲以付
梓者吾亦從而校讐以刊行之而已夫復何言辛亥九
月五弟遵楷牖達謹跋